

საქართველოს სახელმწიფო ბიბლიოთეკა

K 24 846
2

162

ყ.ი.

შედეგად შეძენის შედეგად საბჭოთა

1
9
3
1

საქართველოს სახელმწიფო ბიბლიოთეკის

801-3
საქართველოს
საბჭოთავო
საგარეო
აღმოსავლელი
კავშირების
მინისტრო

გერცემლ ბააზოვი

შემარჩიას
უკანასკნელი
ს ი ტ ყ ვ ა

~~IV 2.140~~

K24.846
2



სახელმწიფო გამომცემლობა

თბილისი

1981

72 კ. (13x13) (90)

სპეგ-2000
ფეოფეგულია

სტამბა პოლიგრაფსკოლისა, შტკ. 2461, მთაელ. 1786, ტ. 5000

7283 1862 57



წინასწარ „შემარჩიას უკანასკნელ სიტყვა“-ზე

რეკონსტრუქციის პერიოდში მეტად სერიოზული ამოცანები დგას მწერლობის წინაშე. ჩვენ თუ დღეს პროლეტარულ მწერლებს ვუყენებთ ამოცანას იმის შესახებ, რომ მათმა მხატვრულ ტილოებზე უნდა მოგვცენ ჩვენი მშენებლობა, ჩვენ არა ნაკლებ ამოცანებს ვუყენებთ საბჭოთა მწერლებს, რომლებსაც გულწრფელად სურთ ჩვენთან მოსვლა. ჩვენს ეპოქას, საკოლმეურნეო მშენებლობას და საერთოდ კი ჩვენს ბრძოლას სოციალიზმისათვის ესაჭიროება მხატვრულ ტილოებზე გადატანა. ჩვენ უნდა დავინახოთ მხატვრულ ტილოზე, დარიბი და საშუალო გლეხი საკოლმეურნეო მშენებლობის ფრონტზე, უნდა ვნახოთ, თუ როგორ გვებრძვის კლასობრივი მტერი, და აგრეთვე ჩვენ უნდა ვნახოთ იქ ხუთწლედის გმირები,—ყოველივე ეს კი მწერლობამ უნდა შესძლოს.

ამ მიმართულებით შეიძლება გარკვევით ითქვას, რომ ქართულ მწერლობას (ჩვენ აქ არ ვგულისხმობთ პროლეტარულ მწერლობას კ. მ.) ბევრი არაფერი გაუკეთებია. აუცილებლად მისასალმებელია ის გარემოება, როდესაც მწერალი გერცელ ბააზოვი სწერს ისეთ ნაწარმოებს, როგორც მისი „შემარჩიას უკანასკნელი სიტყვა“-ა. აღნიშნული მოთხრობა ქართველ ებრაელთა ყოფა-ცხოვრებიდანაა. მასში მოცემულია ებრაელთა კოლექტივის სურათი, რომელიც მეტად დამაჯერებლათაა გაკეთებული.

საკოლმეურნეო მშენებლობის დროს ჩვენ გვიხდება გლეხის გარდაქმნა—მან უნდა უარყოს ძველი რამდენიმე ათეული საუკუნეებით შემუშავებული კერძო მესაკუთრის განწყობილებები, ჩვენ ვიმარჯვებთ და სწორედ ჩვენს გა-



მარჯვენის შესახებ ლაპარაკობს საკოლმეურნეო მშენებლობის ფრონტზე გ. ბააზოვის ნაწარმოები — „შემარისა სუქანასკნელი სიტყვა“.

აღნიშნული ნაწარმოები ჩვენ სინამდვილეში პირველი ცდაა მშრომელ ებრაელთა კოლექტივის მოცემის მხრივ. ამოცანა, რომელიც ავტორის წინაშე იდგა, აუცილებლად გადაჭრილია. უნდა ითქვას გარკვევით, რომ გ. ბააზოვმა მეტად საღად და დამაჯერებლად მოგვცა ღარიბ ებრაელთა ბრძოლა კოლმეურნეობისათვის. მათ მთელი რიგი დაბრკოლებებისა ხვდებოდა წინ, მაგრამ ისინი მტკიცე ხელმძღვანელობით ძლევდნენ ამ დაბრკოლებებს. აქვე ხაზი უნდა გაესვას იმ გარემოებასაც, რომ ეს ნაწარმოები, როგორც იდეოლოგიურად, ისე მხატვრულადაც უდაოდ გამართლებულია.

აღნიშნულ ნაწარმოებში გ. ბააზოვმა ერთმანეთს დაუპირდაპირა ძველი და ახალი. მშრომელ ებრაელთა შორის კოლექტივის ჩამოყალიბება, ეს ჩვენს უდიდეს გამარჯვებას მიეწერება. რამოდენიმე ასეულ წლებით ებრაელობა დარბეულ ერს წარმოადგენდა, რომელსაც მეფის რუსეთი სდევნიდა და ამხედრებდა საზოგადოებრივ აზრს მათ წინააღმდეგ. მეფის რუსეთში ებრაელების მიმართ არსებობდა ტერმინი „ქიდი“ — შურია, რომელშიაც მთელი სიძულვილი იყო ჩაქსოვილი მათდამი. ებრაელები ეკონომიურ პირობებში აიძულა მოდებოდნენ სხვადასხვა მხარეს და სოფლიდან სოფელში ქუჩა-ქუჩა ეარათ მკლავებზე კალათით გადაკიდებული კვერცხებით, მაზებით, მწუროკებით თავის და ცოლშვილის სიმშლილისაგან გადასარჩენად. ეს იყო ბრძოლა ლუკმა პურისათვის. ებრაელებმა, როგორც დაჩაგრულმა და მიწასთან გასწორებულმა ხალხმა ხელი მიჰყო წვრილ ვაჭრობას, ხელში აიღო არშინი და მთელი დღეობით წვიმასა და ქარში, თოვლში და სიციხეში ამ არშინით დადიოდა და ქუჩებს აყრუებდა თავისი ძახი-



ლით. ყოველივე ეს შედეგი იყო მეფის რუსეთის პოლიტიკისა.

ოქტომბრის დიდმა რევოლუციამ ამ სოციალურ უკუღმართობას ბოლო მოჰყო და მშრომელი ებრაელებიც მშრომელ ხალხთან ერთად მტკიცედ ჩაებენ ახალი ქვეყნის მშენებლობაში და პროლეტარული სახელმწიფოს განმტკიცების საქმეში.

უდიდეს გარდატეხამ, რომელიც ამჟამად მიმდინარეობს და რომელიც ეხლა ხდება ჩვენს ქვეყანაში, თავისებური ზეგავლენა მოახდინა მშრომელ ებრაელებზე. ებრაელთა მშრომელი ნაწილი პირით შემობრუნდა საკოლმეურნეო მშენებლობისაკენ.

გ. ბააზოვის მოთხოვნაც სწორედ ამ ფონზე იშლება. გ. ბააზოვმა თავის მოთხოვნაში გვიჩვენა პირველ ებრაელთა კოლექტივის ჩამოყალიბების პროცესი და უნდა აღინიშნოს, რომ ეს პროცესი ძალზე კარგადაა გადმოცემული. კულაკი შემარია გორაობს უდარდელად ტახტზე და ამ დროს მისი „ბიჭები“ ქუჩა-ქუჩა გაჰყვირიან, ზოგი პაპიროსს ყიდის, ზოგი მწუროკს, ზოგი ჩურჩხელებს და ზოგი ვინ იცის რას, საღამოს კი მთელი ნავაჭრი შემარიას უნდა ჩააბარონ. ასე მიდიოდა დღეები.

ყველა კივის, ყველა მისი „ბიჭი“ ყიდის რალაცას ქუჩაში, მხოლოდ ერთის ხმა არ ესმის. არ ესმის იმის ხმა, რომელიც ჩურჩხელებს ყიდის. ჩურჩხელების გამყიდველი ღარიბი ებრაელი ბიჭი—მიშაელია. იგი დგას ერთ ადგილზე და თავისი უბედობის შესახებ ფიქრობს. მის დაღვრემილ და მოწყენილ სახეს მისჩერებია რაიკავშირის თავმჯდომარე სერგო იაშვილი. ერთი მხრივ სიმდიდრით თავმოებზრებული კულაკი შემარია და მეორე მხრივ კი თავის უკუღმართ ბედზე დაფიქრებული მიშაელი ქუჩაში ჩურჩხელებით. ერთი მხრივ ტახტზე მგორავი, უდარდელი შემარია და მეორე მხრით სახე დაღვრემილი, და-



ფიქრებული მიშაელი. აი, ორი მოპირდაპირე ძალა, რომლებიც ერთ და იმავე დროს სხვა და სხვას ფიქრობენ. შემარია ფიქრობს იმის შესახებ, რომ მიშაელი არ ყვირის ქუჩაში, რისთვისაც იგი კბილებს აკრაქუნებს, მიშაელი ფიქრობს იმის შესახებ, თუ სანამდე უნდა გაგრძელდეს მისი ასეთი დუხჭირი და უპერსპექტივო ცხოვრება.

სერგო იაშვილის ენერგიული მუშაობით მიშაელმა უარყო ძველი ებრაული ტრადიციები და იგი აქტიურად ჩაება ახალი ქვეყნის მშენებლობის ფერხულში. მიშაელმა უარყო ძველი ადათ-ჩვეულებები. იგი ეხლა კომკავშირელი და მოწინავე ახალგაზრდა ებრაელია. ფართოდ გაიშალა მუშაობა ებრაელთა ჩასაბმელად კოლექტივში და ერთ დღეს მიშაელი აკრავს მეტად თავისებურ დამახასიათებელ განცხადებას. ამ განცხადებამ ყველა გააკვირვა. ვერ წარმოედგინათ ებრაელების გაერთიანება სასოფლო-სამეურნეო კოლექტივში. კლასობრივი მტრები ასისინდენ. შემარია და ძმანი მისნი გაიძახოდენ: „როდის იყო, რომ ებრაელს მიწის მუშაობა შეეძლო, მისი საქმე მხოლოდ მარტო არშინია. ტყვილა კი არ გვეცინიან ჩვენ: „ებრაელმა რაც უნდა დათესოს იგი არშინს მომკისო“.

მაგრამ სინამდვილემ სულ სხვა გვიჩვენა. ღარიბ ებრაელთა არტელი დღითი დღე იზრდებოდა და მტკიცდებოდა. კლასიური მტერი კი მოხერხებულ დროს ეძებდა მის ჩასაშლელად.

კოლექტივის თავმჯდომარედ მიშაელია, რომლის მუშაობა ყველას აკვირვებს. კოლექტივი მტკიცდება. ყოველდღიურად იზრდება მასში გაერთიანებულ ღარიბ ებრაელთა შრომის ენტუზიაზმი. კულაკ შემარიას ეს გარემოება მოსვენებას არ აძლევს და იგიც ეძებს მოხერხებულ მომენტს შეტევისათვის. მან დაიწყო მავნებლური მუშაობა. აი, ერთ საღამოს დაიბარა კოლექტივის წევრი, არონ კრიხელი, რომელსაც შემარიას ვალი ქონდა. შემარიამ



იგი მოიყიდა, მისცა ფული და უთხრა: — არონ, შენ კოლექტივში უნდა დარჩე. შენ შეგნიდან და მე გარედან. აქ ავტორს ძალზე კარგად აქვს გადმოცემული კლასიური მტრის შინაგანი ბუნება. იგი თავის მომხრეებს თვით შიგ კოლექტივში იჩენს, მას უნდა შეგნიდან გატეხოს ციხე. შემარია აგრეთვე იყენებს ებრაულ სარწმუნოებას და მის ადათ-წესებს კოლექტივის წინააღმდეგ. შემარიამ არონ კრიხელის დახმარებით შესძლო კოლექტივის შენობის დაწვა. ეს ადვილი განსაკუთრებით კარგადაა გადმოცემული მოთხრობაში. განსაკუთრებით აღსანიშნავია ის მომენტი, როდესაც ერთი მხრივ იწვის კოლექტივის ქონება და მეორე მხრივ მიშაელის დედა, სიფორი, წყევლის თავის შეიღს მიშაელს ებრაულ სარწმუნოების და მისი ადათ-წესების გატეხისათვის. სიფორმა ვერ აიტანა ეს მდგომარეობა და მას გული გაუსკდა — მოკვდა მიშაელის მკლავებში. შემარია ამ დროს ქალაქშია. ცეცხლის გაჩენის კვალს ვერ მიაგნეს. სთქვამს: „შემარია როგორ დაწვავდა, იგი სამი დღეა რაც ქალაქშიაო“. შემარიას შურისძიება ყოველ დღიურად იზრდებოდა კოლექტივის მიმართ. კოლექტივი კი, როგორც რიცხოვრივად ისე თვისობრივად მტკიცდებოდა.

შემარია ახალ ახალ დავალებებს აძლევდა არონ კრიხელს. არონ კრიხელმა დაიწყო სიზარმაცე და სიმულანტობა. მას კოლექტივი რიცხავს თავის რიგებიდან. ამის შემდეგ არონ კრიხელს შემარია ნიშნავს სალოცავის დარაჯად.

მიშაელის თავდადებული მუშაობით ებრაელთა კოლექტივმა უდიდესი ავტორიტეტი მოიპოვა მშრომელ ებრაელთა შორის. კულაკ შემარიას მთელი სიბრაზე მიმართულია მიშაელისაკენ. მას უნდა მიშაელს ბოლო მოუღოს და მისი მოკვლა დაავალა არონ კრიხელს. არონი მან მოქრთამა, მისცა რამოდენიმე ათეული მანეთი. ძნელია არონ-



ნისათვის ამ დაგალებს შესრულება. შემარია მას ხანჯალიც მისცა და არონი გააფრთხილა: ყოველივე ეს უნდა მოხდეს სელიხოთის ღამეს... მოაწია სელიხოთის ღამემ, რომელიც ნაშუალამევის სამ საათზე იწყება. არონი როგორც სალოცავის დარაჯი ვალდებულია შეატყობინოს სელიხოთის დაწყების დრო, რისთვისაც მან ქუჩა-ქუჩა უნდა ჩამოიაროს. ამ საღამოს არონი განსაკუთრებით ვერ ისვენებს, სამ საათის მაგივრად მან ორ საათზე დაიწყოს ძახილი: „სელიხოთი, ღოცვა, შემარია სელიხოთი, მიშაელ სელიხოთი“ და ღამის ორ საათზე ატეხილი ძახილი არაა შემთხვევითი. აქ არონი იძახის არა როგორც სამლოცველოს დარაჯი, არამედ როგორც კლასიური მტრის ბრმა იარაღი და მავნე განზრახვით საესე. მან ამაღამ ბოლო უნდა მოუღოს მიშაელს, რაც მისთვის ძნელია.

აქ მთელი ტრაგიზმია ჩაქსოვილი. შემარია უცდის იმ სასიხარულო წუთს, როდესაც არონი ხანჯლით ბოლოს მოუღებს მიშაელს, მაგრამ მას ეშინია არონის, როგორც ღარიბ გლეხის. ამიტომ მან არონს უკან დაადევნა თავისი ძმა აბიშაი და მიშაელის საწოლთან მდგარ არონს თავში კეტი დაკრა და შედმეგ კი მიშაელის ხანჯლით მოუღო ბოლო. არონის მკვლელობა მიშაელს დაბრალდა.

უნდა ითქვას გადაუქარბებლად, რომ ეს ადგილი ძალზე მძლავრია მთელ მოთხრობაში. დამახასიათებელი და მთავარი აღნიშნულ მოთხრობაში ის არის, რომ მოთხრობა შემთხვევით ეფექტიურ ამბებზე კი არ არის აგებული, არამედ ნამდვილ რეალურ და ცოცხალ ფაქტებზე.

მოთხრობა ეხება ებრაელთა შორის მომხდარ დიდ მნიშვნელობის სოციალურ გარდატეხას და ამ გარდატეხის დროს ცხადია, არის წინააღმდეგობები და ხელის შეშლელი პირობები; ეს ნაწარმოები ამ გარდატეხის ერთი ეპიზოდია.

ბოლოს ყველაფერი გამოიჩვენა. მიწაელი უდანაშაულოა არონის მკვლელობაში. შემარიას შეიპყრობენ. თვითონ გამოტყდება ყველაფერში. და ეიდრე მას მიუსჯიან უმაღლეს სასჯელს—დახერტას, იგი ამბობს:—**კოლექტივი იმარჯვებს.** ასე უბრალოდ თავდება მოთხრობა, მაგრამ ამ უბრალოებაში მოცემულია მთელი მისი ღრმა შინაარსიანობა. დიახ, კოლექტივი იმარჯვებს მიუხედავად კლასობრივ მტრების წინააღმდეგობისა.

გ. ბააზოვმა კი შესძლო ჯანსაღად ეჩვენებინა ჩვენთვის ებრაელთა შორის კოლექტივის ჩამოყალიბების პროცესები. მოთხრობაში მოცემულია ყველა დეტალი იმ წინააღმდეგობებისა, რომელიც ჩვენ გვხვდებოდა წინ. კარგადაა მოცემული კულაკის ბრძოლა კოლექტივის წინააღმდეგ და მასთან ერთად, თუ როგორ იყენებს იგი ებრაელთა უკულტურობას და სარწმუნოებას.

გ. ბააზოვისათვის ეს მოთხრობა უდავოდ ნაბიჯია წინ. „დილლემარ“-ის ავტორისათვის ეს მისი უდიდესი გამარჯვებაა.

შემარიას უკანასკნელი სიტყვა: „კოლექტივი იმარჯვებს“ ეს ერთხელ კიდევ ამტკიცებს იმ ფაქტს, რომ ებრაელები მარტო არშინისათვის არ არიან გაჩენილი და რომ მათაც შეუძლიათ სოციალიზმის მშენებლობაში აქტიური მონაწილეობის მიღება. გერცელ ბააზოვის მოთხრობა ამ ფონზე იშლება და მისი, როგორც მწერლის გამარჯვება, სწორედ ამაშია.

კ. მელაძე.

1

უხსოვარი დროიდან, რამოდენიმე საცენი მიწისათვის, შემოუკრავთ გარშემო ძველი ყოფასავით დაქანგებული მავთულები, შივ ჩაურგიათ აქა იქ ტყემლის ხეები, რომლის შემდეგაც ვიღაცა კეთილშობილ ხუმარას უწოდებია ამ ადგილისათვის „ბულვარი“.

ეს სახელი შერჩენია დღემდე.

ორი ტელეგრაფის ბოძი, ერთმანეთთან შეერთებული გადახლართული მავთულებით, დგანან მარადიულ ყარაულში და საზღვრავენ „ბულვარის“ მდებარეობას.

„ბულვარის“ ხაზზე კი ჩამწყრივებულან სხვადასხვა „პროფესიის“ ხალხი, რომელთა ყვირილი ისმის ჯერ კიდევ გათენებამდე:

— ჩისტიმ, ბლისტიმ ბატონო!

— ჩურჩხელა, ჩურჩხელა!

— ცივია, ცივი!

— აქეთ კაი მყავე წყალი!

— შნურკები, შნურკები!

— წაბლი, წაბლი, მოხარული წაბლი!

— ქლიავი, ლოღნაშო, ტყემალი, ტყლაპი!

და ასე დაუსრულებლივ. ირევა ერთმანეთში ხმები. ხშირად ძნელია შინაარსის გაგება.

ყვირილი კი გრძელდება. არავინ იცის რისთვის.

პატარა დაბას მუშტრები ნაკლებად ჰყავს.

ყვირილი მით უფრო შემზარავია და გააფთორებული.

ორ ადამიანს აინტერესებდა ამ ყვირილის ბედი: სერგო იაშვილს და შეყმარია შაფთოშვილს.

ამ პირებს არაფერი აქვთ ერთმანეთთან საერთო.

მოთხრობის დასაწყისში არც იცნობენ ერთმანეთს.



სერგო იაშვილი ახლად გადმოგზავნილია ცენტრიდან რაიკავშირის თავმჯდომარედ, ხოლო შემარია შაფთოშვილი, ცნობილი მდიდარია და ძველადგანვე ადგილობრივი მკვიდრი მცხოვრები.

შემარია ჯერ კიდევ თავის ლოგინში ჰბრუნავს და ეჩვენება, რომ გარედ სუსტად ჰყვირიან.

სერგო მიდის სამსახურში, მაგრამ არ შეუძლია არ შეჩერდეს.

ეს ყვირილი გულში მაგარი ლახვარივით ესობა.

„ჰაერის ხალხი“ - ჰფიქრობს სერგო და ათვალეირებს ამ ღარიბ-ღატაკებს, რომელთაც ამ ყვირილში სურთ ჩააქსოვონ მთელი თავისი გულისტკივილი, უბედურება, ღრმა მწუხარება.

განა ეს მარტო ყვირილი იყო?

ეს იყო შიში ლუკმა პურის შეძენისათვის, ველური ამონაკენესი, ახალი ქვეყნის შეუთვისებლობა და მომაკვდავის უკანასკნელი გაფართხალება.

სერგო გულის ტკივილით ჰხედავს, რომ აქ არის სამივე თაობა: ბავშვები, ახალგაზრდები, მოხუცები.

ყველანი ჰყვირიან, იხვეწებიან:

— გამისაღეთ!

სერგო ამჩნევს, რომ მხოლოდ ერთი ახალგაზრდა, ცისფერი თვალებით და შავი ქუდიით—არ ჰყვირის. ხელში უჭირავს ერთი კონა ჩურჩხელა და ხმას არ იღებს. გარინდებით და გაუნძრევლად დგას ერთ ადგილას და ჩაფიქრებულია.

არც შემარიასთვისაა ეს ამბავი საიდუმლო. იგი წევს თავის რბილ ლოგინში, მაგრამ მაინც არჩევს ნაცნობ ხმებს.

ერთის ხმა არ ესმის მას და უსიამოვნოდ ჰფიქრობს: „დამაცა, მიშაეღ თეთრუაშვილო. მე შენ გაყურებიან სერის“.

მიშაელი კი არ ინძრევა და უცნაურად უცქერის თავის ჩურჩხელებს.



სერგომ ღრმად აღიბეჭდა მისი ცისფერი თვალები და გადასწყვიტა მოხერხებულ დროს მასთან გაბაასება.

* * *

რა იყო ის ახალი ძალა, რომელმაც აალაპარაკა მუდამ მდუმარე და ჩაფიქრებული მიშაელი?

ჯერ ვერც თვითონ მიშაელი გაერკვია ამ ამბავში.

იგი ჯერ ოცი წლისაც არ იყო, მაგრამ ზურგზე ეკიდა ორმოცი წლის დარდი და უბედურება.

სერგოსთვის ძნელი არ იყო დარწმუნებულიყო ამაში.

იმავე საღამოს, ისინი ისხდნენ ერთად მდინარის პირას და უცნაურად ეჩვენებოდა მიშაელს, რა უნდოდა ამ „ქალაქის კაცს“ მასგან. მაგრამ ერთს ჰგრძნობდა მიშაელი, რომ ასე თბილად, გულმზურვალედ, ჯერ მასთან არავის ულაპარაკნია მთელი სიცოცხლის მანძილზე.

მიშაელს არ უნდოდა, რომ სერგოს შეემჩნია ფეხის თითები მის დახეულ ჩუსტებზე, საჩქაროდ გაიძრო წინდები და ფეხები მდინარეში ჩაუშვა.

სერგო იჯდა მის პირდაპირ და ათვალეირებდა უძლიერესი ცნობის მოყვარეობით.

შავ ქუდს და ცოტაოდნათ მოშვებულ შავ კიკინებს დისონანსი შეჰქონდათ მიშაელის შეფასებაში, მაგრამ ცისფერ თვალებში იმდენი გულწრფელობა და უბრალოება იყო, რომ სერგოს არ შეეძლო ცუდი რამ ეფიქრა მიშაელის შესახებ.

მიშაელს ხელში ეჭირა გაუყიდელი ჩურჩხელები. უბიდან გამოიღო ძველი ქალაქის ნაგლეჯი, საჩქაროდ გააბვია მასში ისეთი გრძნობით, თითქოს რაღაც უსიამოვნო ნივთს იცილებდა თავიდან და გადასდო გვერდზე. შემდეგ ღრმად ამოიოხრა, ნელა გადახედა სერგოს და დაიწყა:



— მაშა აღრე მომიკვდა. დედა ჩემი ბავშობაშიცა გაუთხოვებიათ. მამის სიკვდილის დროს ჩვენ ვიყავით პატარა ბავშვები. ვიდრე ძალლონე შესწევდა მრეცხაობდა და შვილებს გვასაზრდოებდა, მაგრამ მალე მოტყდა და ლოგინად ჩავარდა. დღესაც წევს. ჩემი უფროსი და გათხოვდა, მაგრამ ქმარი ლოთი გამოდგა, დილა საღამოს სულ სცემდა და იძულებული შეიქნა ასეთი დამწარებელი ლუკმის ქამას— შინ დაბრუნება ერჩია თავისი ორი პატარა შვილით, რათა ჩვენთან ერთად განეცადათ შიმშილი და გაჭირვება. ნეტავ კი ასე ყოფილიყო, რა გვიქირდა, მაგრამ მოხდა ორი ამბავი, რის შემდეგაც მთლად აფორიაქდა ჩვენი ცხოვრება და ჩავვიმწარდა სიცოცხლე: ჩვენი ერთად-ერთი მარჩენალი ჩემი უფროსი ძმა იყო. ის ჩემზე ორი წლით იყო უფროსი. მას შემდეგ ოთხი წელიწადია. იგი „შნუროკებს“ ჰყიდდა ხოლმე ქალაქში. ერთ დღეს ტრამვაის შეახტა და უნდოდა ვიღაცასთვის „შნუროკი“ მიეყიდა. კონდუქტორმა დაუსტვინა და ტრამვაის ვაგონი გააჩერეს. მოვიდა მილიციელი. ჩემს ძმას შეეშინდა, ეგონა „შნუროკებს“ წაართმევდენ და ჩვენ მშიერი მოვკვდებოდით, გადახტა და გაეჭანა ქუჩის მეორე მხარეს. ვერ შეამჩნია, რომ ამ მხარეზე მოჰქროდა ტრამვაის სხვა ვაგონი, რომელმაც გაიტანა. ჩემმა დამ, რომ ეს ამბავი გაიგო ჭკუა დაჰკარგა. მას შემდეგ ფსიქიატრიულ საავადმყოფოში წვეს. სახლში პატრონი აღარავინ იყო. ჩემმა ქვრივმა დედამ და უნცროსმა დისწულებმა მე დამიწყეს ცქერა, როგორც ერთად-ერთ იმედს. მეტი რა გზა იყო, მე უნდა დამეკავებინა ჩემი გარდაცვლილი ძმის ადგილი. დედა ჩემმა ტრამვაის შიშით ქალაქში არ გამიშვა და „შნუროკებით“ ვაქრობაზე ხელი ამალებინა.

— დიდხანს ნუ გიღვეს ფეხი წყალში. შესაძლებელია გაცივება— შეაწყვეტინა სერგომ.



მიშაელი დაემორჩილა სერგოს, მაგრამ მაინც სთქვა:

— ხშირად ეს ცივი წყალი სევდას მიქარვებს, მავიწყებს მთელ ქვეყანას და ძილის სურვილს მგვრის. მე კი ისე ცოტა მძინავს: დღედაღამეში — სამი-ოთხი საათი.

— რისთვის გძინავს ასე ცოტა?

— ასე ხდება ხოლმე — უბასუხა მიშაელმა ბუნდოვანად. სერგომ ძალა არ დაატანა და ყურს უგდებდა მიშაელს, რომელიც აგრძელებდა თავისი ცხოვრების ამბავს.

— გაგიგონიათ შემარია შაფთოშვილის სახელი? დიდი მდიდარი კაცია ჩვენს ქვეყანაში. მართალია, ძალიან ბოროტი და უსვინდისო კაცია, მაგრამ ჩვენ ხალხს მაგით უდგია სული. შემარიას აქვს თავისი ვენახები, დუქნები, კარგი სახლები და ბლომად ფული. აძლევს ხალხს ნისიად საქონელს და აყიდვინებს ბაზარზე. ჩვენი ოჯახიც იმას შეეცოდა და ამიტომ მომცა ჩურჩხელების საქმე. ამდენი ხანია ჩურჩხელებით ვვაჭრობ და თუ რამეს მოვიგებ შემარიას „ტაქსაზე“ ზევით — შევიტან ოჯახში. ძნელი კია ეს ხელობა, ხიერი არ ჰყრია. დღეში ხუთ ცალს თუ გავყიდი და თითოზე შაურს ძლივს ვიგებ. აბა რა უნდა ვქნა? ხალხი ყოველთვის ეჩვევა უბედურებას, ჩვენც შევეჩვიეთ ჩვენს უბედურებას და გაჭივრებას.

— მაშ არ მოგწონს ჩურჩხელებით ვაჭრობა?

— რამოდენიმე წელიწადია ხელში მიჭირავს ჩურჩხელა. ისე შემძულდა, ისე მომბეზრდა, რომ მათი გემოც კი არ ვიცი.

— საერთოდ, ვაჭრობა მოგწონს?

— აბა რა ვიცი... ისრაელებისათვის ღმერთს სხვა ხელობა არ მიუცია. — ამოხვრით უბასუხა მიშაელმა.

— ღმერთი გწამს?

— უღმერთოდ როგორ იქნება?

— შემარიასაც სწამს ღმერთი?

— იმის სულში არ ვზივარ, თუმცა რა ვიცი... სალო-
ცავეში მოსვლა ყოველთვის აგვიანდება. სელიხოთზე კი
ხანდახან სულ არ მოდის.

— რა არის სელიხოთი?

— საერთოდ დღეში სამი ლოცვა გვაქვს, მაგრამ ელუ-
ლის თვეში ემატება კიდევ ერთი: ნაშუალამევის სამ
საათზე.

— შემარია არ იწუხებს თავს ნაშუალამევის ასა-
დგომად?

— როგორც ჩანს, არა.

— შერე, ღმერთი რატომ არ სჯის მას? ღმერთი მა-
რტო მდიდრებისათვის არის? თუ . . .

მიშაელი ღრმად ჩაფიქრდა. ამ უცნაურმა კაცმა ში-
გნო მისი გულის ღრმა კრილოზას, რომელიც დღემდე
მაგრად ჰქონდა შეხვეული. არასოდეს ასე ნათლად არ
მდგარა მისთვის ეს საკითხი:

— ღმერთი თუ არის, რატომ არ სჯის შემარიას?

ხოლო მეორე საკითხის დაღრმავების ეშინოდა:

— თუ . . .

არ იცოდა რა იყო საზღვარის იქითა მხარეს. უკედ-
იცოდა, ხოლო ეშინოდა არ მისულიყო სასოწარკვეთილე-
ბამდე. გაახსენდა თალმუდთორაში¹⁾ ნასწავლი ფარაზა:
„აშრე ამამინ“ . . .²⁾

და გული აუტოკდა:

„მართლაც რა უბედური უნდა იყოს ურწმუნო კაცი.
მაგრამ რომელი უფრო უბედურია: მორწმუნე თუ ურწ-
მუნო?“

დაიბნა მიშაელი. შელამებამ გამოარკვია, საჩქაროდ
წამოდგა, ფეხთ ჩაიცვა, აიღო ჩურჩხელები და თითქოს
ბოდიშს იხდისო, ნელის ხმით უთხრა სერგოს:

¹⁾ თალმუდთორა-ებრ. რელიგიური სასწავლებელი.

²⁾ „აშრე ამამინ“ — „ნეტარ არის მორწმუნე“ . . .

— ყარბითის ¹⁾ ლოცვის დროა. უნდა წავიდე. შემდეგ შემარიას ჩავაბარო თავის ჩურჩხელები. შემდეგ კიდევ საქმეები. ოოჰ...-- ამოხვრით დააბოლოვა მიშაელმა.

— რამდენი დაგრაჩა ჩურჩხელა?

— ოთხი ცალი. ერთი გავყიდე.

— რა ღირს ოთხივე ცალი?

— ორი მანეთი.

სერგომ მისცა ორი მანეთი და ჩურჩხელებიც დაუტოვა. მიშაელმა უარი განაცხადა.

— სხვას შეიძლება გახარებოდა, მე კი არ მინდა ჩურჩხელების დატოვება. რახან შემარიას თავის ფულს ჩავაცეცხლებ—ამ ჩურჩხელებს აღარ ვდარდობ.

ამ სიტყვებთან ერთად ჩურჩხელები გაატანა მდინარეს.

სერგო დარწმუნდა სიმძულვარის ძალაში, ვერ მოითმინა და საკითხი, რომელიც უნდა მიეცა მისთვის რამოდენიმე დღის შემდეგ—მისცა ეხლავე:

— სხვა საქმე რომ გიშოვო, დაანებებ თავს ვაქრობას?

მიშაელს თვალეები გაუბრწყინდა. ენა დაებო, მხოლოდ თანხმობის ნიშნად ძლივს თავი დააქნია.

— მაშ თუ ასეა, გამოიარე ჩემთან ხვალვე რაიკავშირში. იკითხე: სერგო იაშვილი,

გამოესალმენ. წავიდენ სხვადასხვა მიმართულებით: ერთი რაიკავშირისაკენ, მეორე სალოცავისაკენ.


რაიკავშირში წამსვლელი აბიჯებდა მტკიცედ.

სალოცავის მგზავრს კი ფეხები უკან რჩებოდა.

სერგოს მიწაზე ჰქონდა ფესვები. მიშაელს—ჰაერში.

ორივენი ჰფიქრობდენ ამაზე. ორივენი—თავისებურად.

¹⁾ ყარბით - საღამოს ლოცვა.





* * *

დღდა ავად იყო. ბავშებს პური ჰშიოდათ.

სამი დღეა მოხუც სიფორს განსაკუთრებით აწუხებს ღვიძლის ტკივილი. გამოწერილი რეცეპტი უფულობას გამო ისევ ფანჯარაზე დევს. მიშაელმა ჯერ კიდევ ვერ შეაგროვა საჭირო ფული.

მაგრამ ამ საღამოს დედას ტკივილებმა ძალზე შეჭოუტია. მოხუცი სიფორი მომთმენია. ამ საღამოს კი ვერ ითმენს.

— ოოჰ... შეილებო გიკვდებით... მალე, მალე განთავისუფლდებით ჩემი ხელიდან... ოოჰ ... მიშაელ... შენ დაგჭირდება მამობა გაუწიო პატარა ხაიმს და ზილფას... ღმერთო, რა დაგიშავე... რომ არც ერთი დღე არ გამახარე ჩემს სიცოცხლეში...

იჯდა მიშაელი ჭვარტლიან ბუხართან და დედის ყოველი ამოხვრა, ყოველი სიტყვა მჩხვლეტავი ნემსივით ესობოდა გულის არეში. ხედავდა თავის უღონობას და უფრო მწუხარე ხდებოდა.

„რა ძნელია უფროსობა, მაგრამ არც ერთი იცი: ხაიმისა და ზილფას მდგომარეობა უარესია. ისინი პატარები არიან, პური ჰშიათ და მოთმენა არ შეუძლიათ. დედა — მძიმე ავადმყოფი, უფროსი და — შორს სადღაც, ქალაქის საავადმყოფოში და მე აქ მარტო მაწევს ამდენი პასუხისმგებლობა“.

როცა ფიქრებიდან გამოერკვა, მიმოიხედა გარშემო. ის რაც თვალწინ დაინახა, ეს იყო მათი ოთახი.

განა ეს ოთახი იყო?

ისეთი დაბალი ჭერი, რომ მიშაელს უჭირდა გამართვა. კარებები და კედლები ჭვარტლით გამურული. ფანჯრები ნახევრად ჩალეწილი და ქალღლებით აფარული. ერთი ხის ტახტი, რომელზედაც სიფორი წევს ამდენი ხანია... ბავშები ჰყრიან იატაკზე ერთ დახეულ ჭვეშსაგებზე. ხაიმს სახე მუწუკებით აქვს სავსე, ხოლო ზილფას პირიდან

დორბლი ჩამოსდის... ტანზე დახეული პერანგები აცვიან,
ვინ იცის რამდენი ხნის გაურეცხავი. ორი დანჯორეული
სკამი, ერთი მაგიდა, რომელსაც ცალი ფეხი აკლდა და
ერთი ქანგმოდებული ტაშტი, რომელშიაც მეზობლის კა-
ხას მოეკალათებინა თავი.

ასეთი იყო თეთრუაშვილების ბინა. წინეთ აქ საწყობი
იყო. ეხლა — ადამიანების თავშესაფარი.

შესავალი აივანად იყო გადაქცეული. აქ ელაგა დაპო-
ბილი შეშა. ზაფხულობით მიშაელისათვის შეშა მუთაქის
როლს ასრულებდა. ლამამობით იგი წვებოდა ამ ადგი-
ლს, ეძღვოდა ფიქრებს და განთიადზე ძლივს ჩაეძინე-
ბოდა.

მიშაელი ეხლაც აივანზე გამოვიდა. წამოწვა და შეი-
სუნთქა ლამის ჰაერი. შორს სადღაც უღეგარი მდინარე
ეხეთქებოდა ჯებირს.

ქუჩა ჩვეულებრივად ჩაბნელებული იყო, ხოლო მოპირ-
დაპირე სახლიდან მოდიოდა ამაყი სინათლე და სხვანაი-
რი ცხოვრების სუნი.

ეს იყო შემარიას სახლი.

შემარია!

არავინ იცის საზღვარი მისი სიმდიდრისა და სიძუნ-
წისა.

ამდამ, ყარბითის შემდეგ, მიშაელმა ჩააბარა ჩურჩხე-
ლების ფული შემარიას სავსებით. არ ელოდა შემარია,
რომ „დოყლაპია“ მიშაელი, როგორც ის მას ეძახდა — ფულს
მიუტანდა. მიშაელმა სთხოვა, დაეტოვებინა სესხად ერთი
მანეთი, რომ დედისთვის წამალი გამოეტანა. შემარიამ
შეუბღვირა და ფული კი გამოსტაცა.

შემარიას სახლიდან მოისმოდა სიცილ-კისკისი.

„ღმერთს უყვარს მდიდრები“ — გაიფიქრა მიშაელმა.

თავის ოთახიდან მას ესმოდა დედის კვნესა და ბავ-
შების ტირილი.

„ღმერთს ეჯავრება ღარიბები“ — ისევ გაიფიქრა მიშაელმა.

მისი ფიქრთა დენა უცებ შეწყდა ერთ ნათელ წერტილზე:

„სერგო იაშვილი“.

იგი არ იყო ისრაელი, მაგრამ რამდენად კარგი კაცი იყო. ნუ თუ ის მართლა მისცემს მას რაიმე ახალ საქმეს? მაშინ ხომ... დედას წამლებს გამოუტანს, ბავშებს ფეხსაცმელებს უყიდის და შემარიას ისე გაუფლის გვერდზე, რომ სალამსაც არ აკადრებს. დეე იყოს ის მდიდარი, მიშაელი კი — ღარიბი.

ოთახში მყოფთ დიდი ხანია დააეფიწყდათ ტკივილს და შიმშილი. ძილმა თავისი ჰქნა.

ეძინა შემარიასაც თავის ცოლით.

ეძინა ქუჩასაც.

ხოლო მიშაელს აწვალებდა უცნაურად საშიშარი ფიქრები:

„ღმერთი — მდიდრების მოგონილი ხომ არაა?“

„ამბობენ — ღარიბების მთავრობა არის ეხლათ, ე. ი. მუშების და გლეხებისათ... მაგრამ ჩვენ რა... ჩვენ ხომ ვაჭრები ვართ?“

„არ შეიძლება სერგო იაშვილმა რომ აუხსნას მთავრობას, რომ თუმცა ჩვენ ვაჭრები გვქვია, მაგრამ მაინც ღარიბები ვართ?“

„მაგრამ ვაი თუ იმან მახეში გაგვაბას, მოიგონოს, ეს კომკავშირიო, ეს კოლექტივიო, მერე რაღა გვეშველება?“ მთლად დაიბნა მიშაელი.

იქნებოდა ნაშუალამევის სამი საათი. მიშაელი კი ვერ ჰგრძნობდა ძილის საჭიროებას.

ქუჩაში სიწყნარე იყო და ცოტაოდნად სციოდა.

მიშაელის გულში კი ხმაურობა იყო და ფიქრების კოცონი.



გარშემო კი უცნაური ღუმილი სუფევდა.

და უცბათ არემარე გაარღვია ბებერი იონას ბოხმა ხმამ:

— სელიხოთი, ლოცვა... სე-ლი-ხო-თი ლოც-ვა... სიმანა ლოცვა... ხაიმ ლოცვა... მორდესა ლოცვა... ხანანია ლოც-ვა... შემარია ლოცვა... მიშაელ ლოცვა... სელი-ხო-თი ლოოოოოც...ვააა...აა...

მიშაელს მოეჩვენა, რომ ბებერმა იონამ შემარიას ჩუმად დაუძახა, ხოლო მიშაელს კი-ხმამაღლა.

კიდევ დიდხანს ისმოდა ბებერი იონას ბოხი ხმა, რომელსაც უნდა შემოეელო მთელი ებრაელთა უბანი—ხალხის გასაღვიძებლად სელიხოთის ლოცვისათვის.

მიშაელმა ამაღამ პირველად განიცადა უსიამოვნო გრძნობა, როდესაც გაიგონა იონას ძახილი და გადასწყვიტა არ წამომდგარიყო, რომ ამ დროს ოთახიდან არ შემოსმოდა ავადმყოფი დედის ხმა:

— შვილო მიშაელ, გამოიღვიძე, ნუ გძინავს... იონამ ჩამოიარა... სელიხოთზე არ დაგიგვიანდეს...

— ვდგები დედა... — და მიშაელი წამოდგა.

უხალისოდ აიღო სიდური¹⁾, ტალეთი²⁾ და თეფილინი³⁾ და გასწია სალოცავისაკენ.

გზა და გზა მას ჰხვდებოდნენ მორწმუნენი, ქალები და კაცები, დიდები და პატარები, რომლებიც მიემართებოდნენ იმავე გზით.

მიშაელს კვლავ აწუხებდა საშინელი ექვეები და თავის გამართლებისათვის ღმერთს ეხვეწებოდა თავის გონებაში, რომ მისთვის ეპატივებინა ასეთი ცოდვილიანი თიქრები:

„რაში სკირდება იმ დალოცვილ ღმერთს შუალამისას ჩვენი ლოცვა.“

1) სიდური-სამლოცველო წიგნი.

2) ტალეთი—სალოცავში წამოსასხამი.

3) თეფილინი—მარცხენა ხელზე და შუბლზე დასახვევი ნივთი დილის ლოცვის დროს.

სალოცავიდან უკვე მოისმოდა ძლიერი გოდება და მოთქმა, რომელიც ერთდებოდა ერთფეროვან, მონოტონურ და სპეციფიურ ძახილში:

„ელოე აბრაამ ყანენუ,

„ელოე იცხაკ ყანენუ,

„ელოე იაკობ ყანენუ! 1)

მიშაელმა უნებურად გადაჰხედა შემარის სკაშს, რომელიც ცარიელი იყო და მოულოდნელად უსაყვედურა ღმერთს:

„შემარის—სიმდიდრე და ძილი,

მიშაელს—სიღარიბე, ლოცვა და ტირილი,

ელოე აბრაამ ყანენუ“.

1) „ღმერთო აბრაამისა—გვიპასუხე,
ღმერთო ისააკისა—გვიპასუხე,
ღმერთო იაკობისა—გვიპასუხე“.

უმთავრესი იყო: სწორი მიდგომა.

დანარჩენში ამხანაგ სერგოს ექვი არ ეპარებოდა. პარტიის სწორი პოლიტიკა მისთვის საუკეთესო საწინდარი იყო.

ყველაფერი მიდიოდა ისე, როგორც საჭირო იყო: კულაკები აგინებდნენ, ღარიბი და საშუალო გლეხკაცობა კი ძალზე ემადლიერებოდა.

სერგოს სახელი და ავტორიტეტი რაიონში დღითი დღე იზრდებოდა.

მას არ სჩვეოდა გადახრები. მიდიოდა პირდაპირი მტკიცე ნაბიჯებით. არ უშინდებოდა დროებით სიძნელეებს და საქმე ეჭირა ხელში ბეჯითად და წარბშეუხრელად.

ამ ბოლო დროს დაისახა ერთი მიზანი. იცოდა, რომ ამ გზაზე ბევრი სიძნელეები იყო და სიფრთხილით სინჯავდა ნიადაგს.

თავის ახალგაზრდა მეგობარს ნელნელა აპარებდა ახალი ქვეყნის აზრებს. ყოველდღიურად სთმობდა ცოტაოდენ დროს, რომ ნიჭიერი და ენერგიული მიშაელი გამოეტაცნა ბნელეთის კლანჭებიდან. ყოველდღიურად იგი ხედავდა, როგორი ცვლილება ხდებოდა მიშაელში და სრულებით არ გაჰკვირვებია სერგოს, როცა ერთ დღეს მოვიდა მასთან მიშაელი კიკინებ მოპარსული და გალამაზებული სახით.

— ასე, ჩემო მიშაელ. შენ პირველი პიონერი ხარ. შენ მოილტვი ჩვენკენ. ეს ძალიან კარგია, მაგრამ მარტო შენზე შეჩერება არ შეიძლება. ერთი მერცხალი, ხომ გაგიგონია, გაზაფხულს ვერ მოიყვანს. საჭიროა შეიძინო ამხანაგები, თანამებრძოლები.



მიშაელმა დაიწყო ამხანაგების ძებნა.

მიშაელი შეუდგა თვითგანვითარებას. კითხულობდა სერგოს მიერ მიცემულ გაზეთებს და ბროშურებს.

დილაობით მუშაობდა რაიკავშირის შიკრიკად.

სალამოობით დადიოდა კლუბში.

სალოცავში დადიოდა დილაობით. სალამოობით უკლო სიარულს. გული იწვევდა უფრო კლუბისაკენ, ახალი ამხანაგებისაკენ, სადაც კი არ სტიროდნენ და ლოცულობდნენ არამედ აკეთებდნენ ნაყოფიერ საქმეს.

მეხივით გავარდა ეს ამბავი მიშაელის პატარა ქვეყანაში.

ლაპარაკობდნენ ათას რამეს:

— მიშაელი გარაშაყებულა ¹⁾.

— მიშაელი უკიკინებოდ დადის.

— მიშაელი ლოცვას აღარ ეკარება.

— კომუნისტებისთვის მიჟუიღია სული.

— შაბათს აღარ ინახავს.

— ტარეფას ²⁾ არ ერიდება.

— უყურეთ ერთი მაგ დოცლაპიას! მე წინედაცვიცოდი, რომ მაგიდან პატიოსანი სული არ გამოვიდოდა.

ლაპარაკობდნენ ყველანი, თითქმის ყოველი ებრაელი. მაგრამ ლაპარაკის სათავე—იყო შემარია შაფთოშვილის ბინა.

მართალი და სიცრუე — უპირველეს ყოვლისა გამოდიოდა მისი სახლიდან.

არც მოხუცი სიფორი დაუტოვებიათ ამ ახალი ამბების გარეშე. ავადმყოფს, შემარიას დავალებით შეატყობინეს, რომ მისი შვილი გაქრისტიანდა.

— ვაი ჩემს მოსწრებას — ჰკენესოდა სიფორი — რისთვის არ მომკლა იმ დალოცვილმა ღმერთმა ვიდრე ასეთ

¹⁾ რაშაყ—აგი კაცი; გარაშაყებულა — რჯულზე ხელი აუღია.

²⁾ ტარეფა—არა ებრაელის ხელით დაკლული პირუტყვი.



სიბერეს მაღირსებდა. ჩემი მიწაელისგან — როგორ წა-
რმოვიდგენდი ამას. უი, უი, უი, დაღუპულა ისრაელობა...
ობრავედა და მოთქვამდა მწარედ სიფორი.

მიწაელი იდგა ხშირად მის საწოლთან და ეცოდებოდა
დედა. არ იცოდა რით ენუგეშებინა. დედას არაფერი არ
ესმოდა, უკედ-არ უნდოდა გაეგო. დედა ეკუთვნოდა — წარ-
სულს, ხოლო მიწაელი — მომავალს. მიხვდებოდა განა
ოდესმე ამას მოხუცი სიფორი?

როგორ შეეძლო ამის მიხვედრა, როდესაც მომაკვდავ
დედას მხოლოდ ერთი სურვილი ჰქონდა:

— მიწაელმა ჩემი სიკვდილის შემდეგ კადიში¹⁾ წამი-
კითხოსო...

დღეს კი, ამ ამბების შამდეგ ამის იმედიც დაჰკარგა
და უბედური სიფორი იტანჯებოდა ექვების ხანძარში:

„ეაიმე... რა დამეშართება ყოლამ-ჰაბას“²⁾

აღარ ახარებდა დედას მიწაელის მოტანილი წამალი
და ფული. იწვა თავის საწოლზე და საცოდავად ბურტ-
ყუნობდა.

მოდითოდენ მეზობელი ქორიკანა ქალები და აყრიდენ
მარილს ქრილობაზე.

მოდითოდა ბებერი იონა და ამბობდა, რომ სელიხო-
თის გარდა მიწაელმა უკვე მიატოვა შახრითი³⁾, მინხა⁴⁾
და ყარბითი.

მოდითოდა შემარია და აფრთხილებდა სიფორს, რომ
დროზე შეეკავებინა მიწაელისათვის ახსნილი აღვირი.

მოდითოდა სამსახურიდან დაღლილი მიწაელი და ავად-
მყოფი დედის ხათრისათვის... სდუმდა, მხოლოდ გულში
კი თავს უყრიდა ბოლმას და სიძულვილს.

1) კადიშ — მიცვალებულის სულის მოსახსენებელი ლოცვა.

2) ყოლამ-ჰაბა — საიჭიო.

3) შახრით — დილის ლოცვა.

4) მინხა — ნაშუადღევს ლოცვა.



იცოდა მიზეზი, რომ ერთ მშვენიერ დღეს ამ გრძნობებს დასჭირდებოდათ გამოსავლის ძებნა.

ყველა ამჩნევდა ცვლილებას გარშემო. თვით პატარა ბავშვებმა ხაიმმა და ზილფამაც იგრძნეს ეს ცვლილება იმით, რომ ამიერიდან მათ თითქმის ყოველ დღე ჰქონდათ საქმელი პური.

* * *

თავისი სახლის წინ, შემარია შაფთოშვილს პატარა და კობტა ბოსტანი ჰქონდა, რომელშიდაც იგი ამეამად კიტრებს ჰკრეფდა.

ორმოცი წლისა იყო, თავზე თმა აღარ ჰქონდა და ნიკაპზე პატარა წვერი შერჩენოდა. ამბობდენ: დასცვივდაო, თვალები კატის ფერი ჰქონდა; უყვარდა მარცხენა თვალით დაქუტუული სიარული. როდესაც ჰფიქრობდა, ქვემო ტუჩი ყოველთვის კბილების ქვეშ ჰქონდა.

გამომეტყველება — დამცინავი ჰქონდა მაშინაც კი, როდესაც არ ჰფიქრობდა დაკინვას.

იცვამდა სადათ, რადგან მისი თქმით არ უყვარდა „თვლების მოჭრა“ მტრებისათვის.

მისი ოჯახი არ იყო მრავალრიცხოვანი: ცოლი — რუთი და ფიზიკურად ძლიერი, ხოლო უხეირო და პრაქტიკულ ცხოვრებაში ყოველად გამოუსადეგარი ოცდახუთი წლის მმა აბიშაი, რომელსაც უფროსი ძმა ეპყრობოდა როგორც ნამდვილ პირუტყვს, არ ზოგავდა მის ჯანს და ღონეს და აცხოვრებდა მისი სიტყვით „სამადლოდ.“

შვილები არ ჰყავდა შემარიას.

ორსართულიანი სახლის უკან გამოქიმული იყო მისი ყანები და ვენახები, რომელთა საზღვარი მდინარე იყო.

სურსათის საწყობები, ბელელი, ბოსელი და მარანი კიდევ ცალკე ჰქონდა.



სახლთან ახლოს ორი მწვანე დუქანი ედგა: ერთი საწვრილმანოსი, მეორე—ხილისა. სეზონისა და განწყობილების მიხედვით ხან ერთს ალებდა, ხან მეორეს.

არავის არ ენდობოდა. აუარებელი ფული ჰქონდა, მაგრამ იმდენად გამჯდარი იყო მასში სიძუნწე, რომ კაპიკს არავის დაუთმობდა.

ამ დაბის მცხოვრებლებს იგი აძლევდა სხვადასხვა საქონელს გასასყიდად, მაგრამ მაინც ყველასთან სჩიოდა, რომ დროება წახდა და მას სრულებით აღარ აქვს შეძლება.

დილაზე ადრინად უყვარდა ბოსტანში გამოვლა და შუშა კიტრების დაკრეფა სულუგუნთან შესაყოლებლად.

ამ დილით როცა იგი კიტრებს ჰკრეფდა — დაინახა, რომ ვიღამაც მის ეზოს კიშკართან მიაკრა განცხადება და წავიდა. საჩქაროდ გამოვიდა გარედ. ქუჩაში ჯერ კიდევ არავინ იყო, მიმოიხედა გარშემო და საჩქაროდ წაიკითხა:

გ ა ნ ც ხ ა დ ე ბ ა

ამა განცხადებით ცხადდება ყველა ღარიბი და მშრომელი ისრაელისათვის რადგანაც რომა დღეს 30 აგვისტოს საათის სრულ ხუთზე ათას ცხრაას ოცდაათ წელსა მინახსა და ყარბითს შუა სალოცავის ეზოში დანიშნულია შეკრება იმ მიწების შესახებ რომ გვეძლევა მიწების დასამუშავებლად და ისრაელების კოლექტივის გასაკეთებლად და უნდა გაგვატაროს რეგისტრაციას ამხანაგმა მიშაელმა და სიტყვა უნდა ითქვას ამხანაგ სერგოზგნით ამიტომაც გთხოვთ არავინ დააგვიანოთ რისთვისაც გაუმარჯოს ჩვენ ახალ საქმეს ესე იგი ებრაელების კოლექტივის და აგრეთვე ძალიან გაუმარჯოს საბჭოთა ხელისუფლებას ამენ რასაც აცხადებს ე ბ რ ა ე ლ თ ა მ ი წ ე ბ ი ს ს ა ქ მ ი ს გ ა მ გ ე ო ბ ა



— უ... ეშმაკის კერძი... — გაბრაზებით წარმოსთქვა შე-
შარიამ და დააპირა განცხადების ჩამოგლეჯა, რომ ამ
დროს შეამჩნია სალოცავიდან მომავალი ხალხი და შე-
ჩერდა.

წამკითხველთა კუდი განჩდა განცხადების წინ.

შემარია ყველას ეპატიეებოდა:

— მოდით, მოდით, წაიკითხეთ... ი დოცლაპია სტო-
როკი მიშაელი გეპატიეებათ, სალამოზე მინხისა და ყარ-
ბითის მაგიერ სტოროეებათ ჩაეწერეთო.

ვილაცამ მოკრძალებით შენიშნა:

— ძია შემარია! მიშაელი შიკრიკათ აღარ არის. იგი
დააწინაურეს და რაიკაეშირის ინსტრუქტორად დანიშნეს.
ამაზე შემარიათ თავისებური დაცინვით უპასუხა:

— წადი, ბიძია, შენცა სკამე ღორის ხორცი და დაწი-
ნაურებული იქნები.

ჩამოვარდა უხერხული სიჩუმე. არავის უნდოდა ეწყე-
ინებინა შემარიასათვის. მათი ბედი ჯერ კიდევ შემარიას
ხელში იყო. თუმცა ყველანი ჰგრძნობდნენ, რომ ეს ქალა-
ლდის ნაგლეჯი რალაც კონკურენციას უნდა უწევდეს შე-
მარიას.

შემარიათ ახედ-დახედა მის გარშემო მყოფ ხალხს და
განაგრძო:

— რალა უნდა ჩვენს პატრონს... გაოხრდა ყოლამი ¹⁾
და ესაა... ისრაელი შვილი და კოლექტივი... სად გაგო-
ნილა, სად თქმულა! ჩვენს მამაპაპა—პაპისპაპას რჯულისა
და ვაჭრობისათვის თავი არ გაუნებებია და ეხლა მოდიან
ჩვენი გადარჯულებული შვილები და გვეუბნებიან კოლექ-
ტივი გააკეთეთო....

ვილამაც, რომელსაც უნდოდა ესიამოვნებინა შემარია-
სათვის დაუმატა ღვარძლიანი კილოთი:

¹⁾ ყოლამ-ქვეყნიერება.



— ჩვენს ბებერ იონას თავისი ცოლი ძლივს გადაუბრუნებია და შენი მტერი არაა, იმან მიწა ვერ გადააბრუნოს.

სხვებმა ბანი შისცეს:

— მერე სადაა ჩვენში მიწები?

— სად ისრაელის შვილი და სად გლებობა?

— თორის მაღლმა ¹⁾ ცულ საქმეში უნდათ ფეხი ჩაგვაცოფინონ.

— თეთრუაშვილი მიშაელი რო კრებაზე გვეძახის მაშინ დაილუბა ჩვენი საქმე.

— არა, კაცო, გამგეობა აწერს ხელს.

— ვინ გამგეობაა, თუ ძმა ხარ, რას იგონებ, როდის ვინმე ავირჩიეთ?

— დროებით თითონ მთავრობას მიუნდვია მოშეხაიმ ელიაშვილისათვის და შემუფელ ჩანჩალაშვილისათვის.

— იმიტომაც დაძვრებოდენ მაგენი სალამოობით, წერაკითხვის სკოლებიანო თუ რაღაც ოხრობა.

— რა ოხრობა, შენც ერთი, წერაკითხვა ხომ ისწავლეს, ეს განცხადება მოშეხაიმმა თავის ხელით დასწერა.

— ახლა, თუ ორი სიტყვის დაბლაჯნა ისწავლეს, აგვაშენეს რაღა, გაგვიძღეს ცოლშვილის კუჭი!

— ვაი, ვაი! გლახების ბაირამი დადგა. აბა რაა...

ორმა სამმა გადიხარხარა და შემდეგ დაიშალენ.

შემარია შებრუნდა თავის ეზოში და თითქოს ვილაცას ემუქრებო, სახლში მისვლამდე ხმა მალლა, კბილების კრაქუნით ამბობდა:

— გიცნობთ რა შვილებიცა ხართ... აქ ასე ლაპარაკობთ, სალამოს კრებაზე მაინც მიხვალთ. არა უშავს. მიდით, მეც მოვალ. ლაწირაკებს კოლექტივი უნდათ? შემარიას კოლექტივი არ უნდა. თქვენ და მე! მოვდიოდეთ! კოლექტივი ვერ გაიმარჯვებს!

¹⁾ თორა—ბიბლია.



* * *

სალოცავის ეზოში გრძელ მაგიდას შემოსხდომოდა პრეზიდენტი: მოშეხაიმ ელიაშვილი, შემუელ ჩანჩალაშვილი და მიშაელ თეთრუაშვილი. მათთან ახლოს იჯდა სერგო იაშვილი, რომელსაც უნდა გაეკეთებინა მოხსენება ებრაელთა კოლექტივის ჩამოყალიბების შესახებ.

მთელი ეზო სავსე იყო ხალხით. ზოგი კიდევ იდგნენ გალავნის უკან, ვინაიდან დროზე ვერ მოასწრეს ადგილების დაკავება.

მოდრაობა და ჩოჩქოლი საგრძნობი იყო.

ხალხი დელავდა და გიდადიოდა ჯგუფიდან ჯგუფში. ისმოდა ერთი ერთმანეთის დამრღვევი აზრები.

მონადირე ძალივით აცეცებდა შემარია თვალებს. მის გარშემო შემოკრებილიყვნენ საკმაოდ გავლენიანი პირები და ღარიბ ლატაკთა ნაწილი ბებერი იონას მეთაურობით.

— დაიწყოს რაღა კრება, რაღას უყურებენ! — გაისმა.

— თავმჯდომარეები ხომ ავარჩიეთ და მეტი რა უნდათ?

— სიწყინარე, ამხანაგებო, მალე დაიწყება.

— რაღა მალე, საცაა ყარბითის დროა.!

— ყარბითს შეაგვიანდეს, არა უშავს, ხალხის ქირვარამი უნდა ითქვას. დღეს თვითონ მთავრობა მოსულა ჩვენთან.

— აი, აი, დახეთ, როგორ გვაჩვენენ უბედურებას.

— გაჩუმდით, გაჩუმდით, იწყება.

გაისმა ზარის წკრიალი. ჩამოვარდა სიჩუმე და მიშაელ თეთრუაშვილმა განაცხადა:

— სიტყვა ებრაელთა კოლმეურნეობის ჩამოყალიბების გარშემო ეკუთვნის ამხანაგ სერგო იაშვილს.

გაისმა ძლიერი ტაშისცემა.

სერგო არ იყო ორატორი, იგი არ ლაპარაკობდა პათოსით და სრულებით არ შეეძლო თავისი სიტყვით ემოქმედნა სხვების გრძნობებზე.



მიუხედავად ამისა მისი აზრები, მეტიმეტად მწყობრად, დინჯად და დალაგებულად გამოთქმული—მოისმოდა დამაჯერებლად და ღარიბ-ღატაკთა გონებაში ჰპოვლობდა შესაფერ გამოძახილს.

ხალხი უსმენდა მას უდიდესი ყურადღებით და პატივისცემით.

თვითონ შემარიაც და მისი მომხრენი სულგანაბული იდგენ.

შემარია დაყრდნობოდა მოაჯირს, დაეჭუტა ჩვეულებრივად მარცხენა თვალი და უკმაყოფილების გრძნობას ტუჩებზე კბილის მაგრად დაქერით იკავებდა.

სერგო ავლებდა პარალელს წარსულისა და აწმყოს შორის. ლაპარაკობდა ჩარჩვაჭრობის, როგორც დამამცირებელი ხელობის შესახებ. მდაბიო ენით უხსნიდა მსმენელებს, თუ როგორი უხერხემლო ნიადაგი ჰქონდა მათ ეკონომიკას. შეეხო მიზეზებს: მეფისა და მენშევიკური მთავრობების პოლიტიკას, რელიგიას, ცრუმორწმუნეობას, უსწავლელობას. საკმარად გასაგები გახდა ამის შემდეგ, თუ რისთვის შეხვდნენ რევოლუციას ასეთი მოუშხადებლნი. შემდეგ შეეხო დეკლასირებისა და ბუნებრივი გაღატაკების პროცესს.

სერგომ დაისხა ჭიქა წყალი და როდესაც მოიკლა წყურვილი გადავიდა უმთავრეს ნაწილზე.

მის მიერ გაშუქებულ იქნა საბჭოთა ხელისუფლების ნაციონალური პოლიტიკა მის ელემენტარულ ხაზებში. მოიყვანა ნაც-უმცირსობათა კულტურული და ეკონომიური აყვავების კონკრეტული ფაქტები, რის შემდეგაც შეეხო საქართველოს ებრაელთა კულტურულ-ეკონომიური მდგომარეობის გაუმჯობესების პერსპექტივებს.

მომხსენებელმა ორი გზა დასახა: წარმოებაში ჩაბმა და მიწაზე გადასვლა. განსაკუთრებული ყურადღება მიაქ-



ცია უკანასკნელს, რომელსაც შეაქვს ძირფესვიანი გარდატეხა ძველ ყოფაში.

როგორც კონკრეტული მაგალითები, დაასახელა უკვე ჩამოყალიბებული კოლმეურნეობები ტირიფონის ველზე, წითელ გორაზე და ახალციხეში.

მომხსენებელს არ გამოჰპარვია აგრეთვე მშრომელ ებრაელთა მიწადმომწყობი საზოგადოების არსებობა, საკმაოდ ვრცლად შეჩერდა მისი მნიშვნელობის შესახებ და აუცილებელ საჭიროდ სცნო ადგილობრივად შემშს-ის განყოფილების დაარსება.

ყოველივე ამის შემდეგ ამხ. სერგომ მთავრობისა და პარტიის დავალებით განაცხადა:

— მიუხედავად იმისა, რომ ჩვენი რაიონი საქართველოში განსაკუთრებით ღარიბია, რაც გამოიხატება მიწების კრიზისში, ჩვენ მაინც გადავსწყვიტეთ გამოვყოთ ჯერჯერობით 20 ჰექტარი მიწა ადგილობრივი მშრომელი და ღარიბლატაკი ებრაელობის მიწაზე მოსაწყობად. ამგვარად, როგორც ხედავთ, მთავრობა გაძღვეთ ადგილებს, რათა ჩამოაყალიბოთ ებრაელთა კოლმეურნეობა. ეხლა საჭიროა, მსურველები გატარდეთ რეგისტრაციაში, რათა სასწრაფოდ, ბოლშევიკური დამკვრელი ტემპებით შეუდგეთ კოლმეურნეობის მოწყობას. სიძნელეები გვექნება, მაგრამ ჩვენ უკან დახევა არ გვჩვევია, ჩვენ შევსძლებთ გადავლახოთ ყველა დაბრკოლებები — რათა ჩვენებური ებრაელი გაბედულად დავაჯინოთ ტრაქტორზე. და როდესაც ამას მივალწევთ, როდესაც ყველა ჩვენი მტრები დაინახავენ, რომ შრომის მოყვარე ებრაელი დააქროლებს ტრაქტორს საბჭოთა მინდვრებზე — მაშინ შეგვეძლება ვთქვათ, რომ ჩვენ მოვახდინეთ მთელი რევოლუცია საქართველოს ებრაელთა ყოფაცხოვრებაში.

აღფრთოვანებული მასის ძახილის ქვეშ: „გაუმარჯოს საბჭოთა მთავრობას“ — მომხსენებელმა დაასრულა სიტყვა.



— ვეწერები პირველი! — განაცხადა მიშაელ თეთრუაშვილმა.

— ჩამწერე! — მიჰყვა მოშეხაიმ ელიაშვილი.

— მეც! — მიემატა შემუეულ ჩანჩალაშვილი.

მათ შემდეგ ისმოდა გაბედულად:

— ელხანან კაცოშვილი!

— დავით ქონაშვილი!

— იეჟუდა დავარაშვილი!

— მოშე თავდიდიშვილი!

— არონ კრიხელი!

— სარა ბინიაშვილი!

— ნათან ხახიაშვილი!

მეტი მსურველი არ იყო. სერგომ დაითვალა ათი ოჯახი. რიცხვი ემცირა, ხოლო სოციალური შემადგენლობა კი ზედმიწევნით დამაკმაყოფილებელი იყო: ჩაწერილები წარმოადგენდნენ უღარიბეს ნაწილს.

უცებ უხერხული სიჩუმე ჩამოვარდა, რომელიც დაარღვია შემარის გვერდზე მდგარმა თავისი უაღაგო ხუმრობით:

— აღარავინა ხართ მუშტარი?

მაშინ შემარია წამოდგა წინ და ითხოვა სიტყვა:

— მე მთელი ხალხი მიცნობს. ყველასთან კარგი მიმიძღვის და ჩემი ცუდის მთქმელი ძვირად გამოვა.

— მართალია, მართალი! — დაემოწმა ვილაც.

— ამიტომაც — განაგრძო შემარია — ისე, თითქოს მიმართავდა მხოლოდ სერგო იაშვილს — ხალხმა იცის, რომ მე იმას ურჩევ მხოლოდ კარგს. მე გული შემტკივა ჩვენს ღარიბებზე და დღევანდელ საქმეს რომ ვუყურებ, ვაქეჟილს გატეხილი სჯობია, პირდაპირ უნდა ვსთქვა, რომ ეს იმათი დაღუპეა. ამ უბედურებს არც კი ესმით რაში ეწერებიან. თქვენ ჩვენი მთავრობა ხართ, ღმერთმა გაცოცხლოთ, მაგრამ თქვენ ხომ არ იცით ჩვენი რჯულის



კანონები, ისრაელიშვილს არასოდეს არ უთოხნია მიწა, მისი ხელობა—ვაჭრობა იყო. მეც კი მაქვს მიწები, მაგრამ ყველამ იცის, რომ ქრისტიანები მყავდა დაქირავებული და ისინი ამუშავებდნენ, რადგან ეს ჩვენი ხელობა არ არის. ტყუილად კი არ დაგვეცინიან ქრისტიანები „ურიებმა ხორბალი რო დათესოთ არშინს მოიმკითო“. ეს მართალია ბატონო სერგო, გლახობა ჩვენი ხალხის საქმე არ არის. თუ კარგი გინდათ ჩვენი ხალხისათვის—მაშინ დაურიგეთ ფართალი წვრიმალღი, ნალოგებს ნულარ შეგვეაწეროთ და ვაჭრობის საქმე გაგვიხსენით, როგორც საქიროა. თუ გნებავთ კითხეთ ამ ხალხს. მართალს არ ვამბობ, ჯამათო?

— მართალია, ბატონო!

— ოქროს სიტყვებია, რაც შემარიამ მოგახსენათ... გაისმა აქა იქ გაუბედავით, ხოლო შემარია განაგრძობდა:

— ვინც კოლექტივში ჩაეწერენ, მაგათ ჭკუა არ მოეთხოვებათ. ჯიბეში არაფერი აქვთ და სახლში იმიტომ, რომ თავიდანვე ზარმაცები იყვნენ. ჩვენი ხალხი მაგათ ჭკუას ვერ გაჰყვება.

— ღმერთმა გიწიოს ჩემი წვრილი ობლების ცოდვა, შემარია, შენ თუ სიმართლეს არ ამბობდე! გეყოფა რაც შიმშილით ამოგვხოცე მთელი ოჯახი. აღარ გვინდა შენი ყმობა. მთელი სიცოცხლე გადაგალიეთ და ახლა იძახი ზარმაცები და უჭკუები არიანო? ოოჰ, დაიწვა იმ ღმერთის სამართალი, რომელმაც შენ ფული მოგცა და ჩვენი თავი კი შენ დაგიმორჩილა! ძმებო! ისრაელებო! აღარ გვინდა მდიდრების ბატონობა! მთავრობა მიწებს გვაძლევს, ვიმუშაოთ ერთგულად მიწებზე. გაუმარჯოს საბჭოთა მთავრობას!

ეს იყო ახლად ჩაწერილი კოლმეურნე ქალი სარა ბინიაშვილი, რომელსაც თავისი წვრილი შვილები გარს შემოხვეოდა.



შეიქნა ხმაურობა. ებრაელთა მასა უჩვევი იყო ასეთი ხასიათის კრებებისადმი და დისციპლინა ძნელი დასამყარებელი იყო. შეიქნა ჯგუფური ლაპარაკი და აზრთა ხმამაღალი გაცვლა-გამოცვლა.

მიშაელმა ძლივს დააწყნარა მოლაპარაკენი, რის შედეგაც ავტორიტეტული კილოთი, რომელიც დაეტყო მას ამ ბოლო დროს—განაცხადა:

— ამხანაგებო! შემარიას გამოსვლა ეს იყო პირწაფარდნილი პროვოკაცია და ჩვენი კლასობრივი მტრის გამოძრომა. არაფერი განსხვავება არ არის ანტიემიტების და შემარიას შორის. თქვენ ყველანი ერთნაირ ჰანგზე მღერიხართ, გინდათ სახელი გავგიტეხოთ. ჩვენთვის ნუ სწუხართ, ნუ ვეიწვეთ დათფურ სამსახურს. ისიც გეყოფათ, რაც აქამდე შეგრაჩათ, გესმით თქვენ თუ არა? რა თქმაა, რომ ხორბალს დავთესავთ და არშინს მოვიმკით? ჩვენ რასაც დავთესავთ იმას მოვიმკით, მხოლოდ თქვენ კი დაგპირდებათ პასუხი აგოთ საბჭოთა ხელისუფლების წინაშე. დღეს მშრომელთა მთავრობაა და არა შემარიას მთავრობა. დიდი ხანი არაა, რაც თვითონ მე თავი დავიხსენი მაგის კლანკებიდან. დღეს აღარ არსებობს ძალა, რომელსაც შეეძლოს უკან დამაბრუნოს. ძმებო, მშრომელო ისრაელლებო! ნუ აჰყვებით მაგის პროვოკაციას და ერთსულოვნად გაუაკეთოთ ჩვენი მომავლის საქმე. ჩვენ არ უნდა ჩამოვრჩეთ მშრომელ ქართველებს. პირიქით ჩვენ უნდა ვეცადოთ, რომ ჩვენი კოლმეურნეობა გადაიქცეს სანიმუშოდ მთელ რაიონში.

— მე ჩემი ვთქვი და ვინ მართალი იქნება, ისიც მალე გამოჩნდება—წყნარად გადმოისროლა შემარიამ და შევიდა სალოცავში.

— ყარბითი, ყარბითი!—დაიძახა ბებერმა იონამ.

მიშაელი გაბრაზდა.



— ვისაც უნდა წავიდეს და ილოცოს. დე, ხელს ნუ შეგვიშლიან. ჩვენ კი ამხანაგო კოლმეურნენო, დავრჩეთ და ჩვენი საქმე გავაგრძელოთ. საჭიროა ავირჩიოთ დროებითი გამგეობა.

ხალხის ნახევარი სალოცავში შევიდა, ხოლო ახლად ჩაწერილნი და ცნობისმოყვარენი უფრო შემჭიდროებით შემოეხვიენ მაგიდას.

დროებით გამგეობაში არჩეულ იქნენ: ნათან ხახიაშვილი, სარა ბინიაშვილი და მიშაელ თეთრუაშვილი.

კოლმეურნეობის თავმჯდომარედ — მიშაელ თეთრუაშვილი.

მიშაელის წინადადებით კოლმეურნეობის სახელწოდება გაათორმეს შემდეგნაირად:

„ებრაელთა კოლმეურნეობა „წინსვლა“ ამხ. სერგო იაშვილის სახელობისა“.

სახელწოდება მიღებული იქნა ხანგრძლივი ტაშის კვრით.

სალოცავიდან მოისმოდა ლოცვის ხმები, რომლებშიც ჩართული იყო ვედრება ღმერთისადმი და გულის წყრომა „უკუღმართი დროების“ გამო.

სალოცავის ეზოში კი მომავალი კოლმეურნენი აღგენდნენ სახვალის პროგრამას და ინაწილებდნენ სამუშაოს.

3

გამოყოფილი ადგილების უმეტესობა ტყიანი იყო, რომელთაც წინედ არავინ ამუშავებდა. საჭირო იყო უზარმაზარი ხეების დაჭრა, შემდეგ მათი ძირფესვიანად ამოგდება, საფუძვლიანი გასუფთავება, ალაგ ალაგ პატარა ქაობების ამოშრობა და სხვა სამუშაოების შესრულება.

გეგმის მიხედვით მომავალი წლის გაზაფხულამდე უნდა გაეშენებინათ აგრეთვე ერთი საერთო საცხოვრებელი, ერთი ბოსელი და ერთი საქათმე.

განზრახული იყო სამასამდე ქათმის, ორიოდე ცხენისა და ოთხი უღელი ხარის შექმნა.

მუშაობას რო შეუდგენ—შემოდგომა იყო.

ხანდახან გამოივლიდა მათთან რაიონის აგრონომი რჩევა-დარიგების მისაცემად.

პირველ ხანებში ოფლი სდიოდათ „ზომაზე მეტი“ და ეძნელებოდათ მუშაობა.

მოდით ცნობის მოყვარენი, დგებოდენ ღობის იქით და უკვირდებოდენ მათ მუშაობას.

ხშირი იყო ასეთი ლაპარაკი:

— ქალი კი არა, ჯადოქარია. ერთი შეხედვით ბინი-შვილის ქვრივს, როგორ ასწორებს მიწას.

— წელში კი მაგრად წყდებიან. შუბლიდან ოფლი გადმოსდით.

— ესაა ძმაო, გლეხური ციებ-ციხლება.

— შენც და მეც რო მაგათთან ვიყოთ, ჩვენი საქმეც წინ იქნება. მაგათი გასაჭირი ეს ზანთარია, გაზაფხულზე პურს დასთესენ და შემოდგომაზე უკვე თავისი მოსავალი ექნებათ.



შემარჩის აგენტებიც ხშირად დადიოდნენ და თავისი აზრებით ცდილობდნენ მომუშავეთათვის ხასიათის გაფუჭებას.

— როდის ყოფილა არონ კრიხელი ასე გირივით რომ მუშაობდა!

— მალე მხარბეჭზე კუზი ამოუვა!

— ელხანანს ერთი თვის სიცოცხლე არა აქვს, ჭლექიანს დაეგვანა.

— კაცი რომ უმადური გამოვა, იმას სასაფლაო გაასწორებს. ამათმა თავის ხეთქამ ამ გატიელებულ ტყეში სჯობია, არა? შემარჩის საქმე, ოქროს საქმე ხელიდან გაუშვებს და გლახაობა დაიწყებს.

— ე რა ხუხულას სდგამენ თუ ძმა ხარ. ლურსმანი ხო დასტირდებათ, მიადგებიან შემარჩის, მარა შავ ქვას მისცემს ის.

როცა მიშაელი გამოჩნდებოდა შორი ახლო, ასეთ გამალიზიანებელ ლაპარაკს შესწყვეტავდნენ, ხოლო ისე ნელა, შეპარვით ეკითხებოდნენ, რათა სხვებსაც გაეგონათ:

— როგორ შეეჩვიეთ ამხა... ნაგო მიშაელ ამ ახალ საქმეს? ჩვენი ხალხი ხომ არ იღლებსა ზედმეტათ?

მიშაელი თავს მოიფხანდა და უპასუხებდა:

— ვინც არ შრომობს, ის არ სჭამს.

მიშაელი ენტუზიასტი იყო. ჰგრძნობდა, რომ მისი თვისება აუცილებელი იყო ასეთ დიდ საქმეში.

იგი მუშაობდა შეუსვენებლივ, დადლილობას არ იმჩნევდა და თავის მაგალითით სხვებსაც ამხნევებდა. მას შეეძლო სხვების აღფრთოვანება, დაინტერესება და მიუხედავად ამისა, რომ იგი ყველაზე ახალგაზრდა იყო, ამხანაგების შორის სარგებლობდა სათანადო პატივისცემით.

არ უყვარდა არც ერთი დაკარგული წუთი.

— მალე ზამთარი დადგება. მანამდე უნდა მოვასწოროთ ჩვენს მიერ დასახული გეგმის შესრულება.



— ელხანან, ნუ ჩაფიქრებულხარ! გადააბრუნე ეგ კორძი.

— დღეს საქათმის დახურვა უნდა დავასრულოთ. გავარდი ლურსმნების მოსატანად.

და ასე განუწყვეტლივ. თვითონაც მუშაობდა და არც სხვებს აჩერებდა უსაქმოდ.

ელხანანი ცარიელი დაბრუნდა და თავმჯდომარეს განუცხადა:

— შემარიას მეტს ლურსმნები არავის არ აქვს. შემარი-ამ კი გამომლანძღა, ისრაელის რჯულის მოღალატე დაშიძახა და ცარიელი გამომაგდო.

მიშაელი ცოტა ხანს ჩაფიქრდა და შემდეგ სთქვა:

— უბედური..... თავისი ხელით იმზადებს სამარეს. და მიმართა ამხანაგებს:

— ამხანაგებო! ეს არაფერია. უმთავრესი ჩვენი ნებაა. დღეს ყავრები დავხუროთ ქვევებით, რომ ქარმა არ გაჰფანტოს. ხვალ ჩვენი აკრონომი მიდის ქალაქში და ლურსმნებს ჩამოგვიტანს. ხოლო რაც შეეხება შემარიას ასეთ აშკარა თავხედობას, ამან არ შეგაწუხოთ. ჩვენს მთავრობას შეუძლია შემარისთანა ხალხს გაუსწორდეს. ის გვებრძვის დღედაღამ, ის ყოველ გზა ნაბიჯზე გვიქმნის სიძნელეებს, იმას სურს კოლექტივი დაგვირღვიოს, მაგრამ არც ჩვენ გვძინავს. ჩვენც გვაქვს ჩვენი ანგარიშები შემარიასთან. ასე არაა, ამხანაგებო?

და ამხანაგებმა უპასუხეს:

— სწორია მიშაელ! გენაცვალე სულში...

— ნეტავი შენისთანა შვილები დამეზრდებოდეს, სხვა არაფერი მინდა...

და შემდეგ განაგრძეს:

— კულაკებზე რაღაცა ქაღალდი რო მოვიდა ცენტრიდან— ალბათ ჩვენში ეგ შემარიას შეეხება.

— შემარიას რასაკვირველია. რამოდენიმე სხვებიც გამოჩნდება...

— შემარიას ზედმეტი მიწები აქვს.



— ელხანან, ნუ ჩაფიქრებულხარ! გადააბრუნე ეგ კორძი.

— დღეს საქათმის დახურვა უნდა დავასრულოთ. გავარდი ლურსმნების მოსატანად.

და ასე განუწყვეტლივ. თვითონაც მუშაობდა და არც სხვებს აჩერებდა უსაქმოდ.

ელხანანი ცარიელი დაბრუნდა და თავმჯდომარეს განუცხადა:

— შემარიას მეტს ლურსმნები არავის არ აქვს. შემარიამ კი გამომლანძღა, ისრაელის რჯულის მოღალატე დამიძახა და ცარიელი გამომავდო.

მიშაელი ცოტა ხანს ჩაფიქრდა და შემდეგ სთქვა:

— უბედური..... თავისი ხელით იმზადებს სამარეს. და მიმართა ამხანაგებს:

— ამხანაგებო! ეს არაფერია. უმთავრესი ჩვენი ნებაა. დღეს ყავრები დავხუროთ ქვევით, რომ ქარმა არ გაჰფანტოს. ხვალ ჩვენი აგრონომი მიდის ქალაქში და ლურსმნებს ჩამოგვიტანს. ხოლო რაც შეეხება შემარიას ასეთ აშკარა თავხედობას, ამან არ შეგაწუხოთ. ჩვენს მთავრობას შეუძლია შემარისთანა ხალხს გაუსწორდეს. ის გვებრძვის დღედაღამ, ის ყოველ გზა ნაბიჯზე გვიქმნის სიძნელეებს, იმას სურს კოლექტივი დაგვირღვიოს, მაგრამ არც ჩვენ გვძინავს. ჩვენც გვაქვს ჩვენი ანგარიშები შემარიასთან. ასე არაა, ამხანაგებო?

და ამხანაგებმა უპასუხეს:

— სწორია მიშაელ! გენაცვალე სულში...

— ნეტავი შენისთანა შეილები დამეზრდებოდეს, სხვა არაფერი მინდა...

და შემდეგ განაგრძეს:

— კულაკებზე რალაცა ქალაღდი რო მოვიდა ცენტრიდან— ალბათ ჩვენში ეგ შემარიას შეეხება.

— შემარიას რასაკვირველია. რამოდენიმე სხვებიც გამოჩნდება...

— შემარიას ზედმეტი მიწები აქვს.



— მეც ხშირად მაფიქრებს იმის ზედმეტი მიწა.

— ზედმეტი მიწა, თვარა მისი ბიკობითაა შეძენილი?! ჩვენი მხარბეკითაა შენაძენი ყოველი მისი მტკაველი მიწა.

— შემარიას ყოველ კაბეიკში ჩვენი სისხლია ვედრობით ჩალვრილი.

— შემარიას მიწები ჩვენ კოლეკტივთან ახლოსაა.

— შემირიას მიწები ჩვენი კოლეკტივის იქნება! — და აბოლოვდა მიწაელმა.

ყავრებზე ქვები დაალაგეს.

საქათმე თუმცა ულურსმნებოდ, მაგრამ მაინც დასრულებული იყო. არასოდეს არ უგრძენიათ ასეთი სიხარული, როგორც ეხლა, როდესაც ნახეს თავისი ხელით დასრულებული პირველი საერთო შენობა.

მეორე დღეს შეუდგენ ბოსელს.

მიწაელმა აუხსნა ამხანაგებს სოციალისტური შეჯიბრის მნიშვნელობა. გამოიწვიეს ერთმანეთი.

სიხარულის ექსტაზით და შეგნებით შეუდგენ მუშაობას.

— არის თუ არა კოლეკტიური სისხლი ძარღვებში?

— იკითხა მიწაელმა.

— არის, მიწაელ!

— მაშ არც ერთი გაცდენილი წუთი!

ადამიანები მუშაობდენ ელექტრონის ტემპებით.

ფიცარი ფიცარს ეკვრებოდა და იქმნებოდა ახალი ყოფის საფუძველი. მტრები ნიშნის მოგებით და სიცილით გაიძახოდენ:

— კოლეკტივის ხალხი გადარეულო... .

ხოლო კოლეკტივის ხალხი, მომავლისადმი აღსავეს რწმენით, აღფრთოვანებულნი და მხიარულნი მუშაობდენ შეუსვენებლივ და ერთიერთმანეთს გადასძახოდენ:

— მოშეხაიმ, მარჯვედ!

— არონ კრიხელო! არ გიწიოს შემარიას წყევლამ... .

— ჩემი უფრო მალე უწევს.

— აღონაი¹⁾ ველარ უშველის შემარის, წასულია მისი საქმე.

— კოლექტივი იმარჯვებს!

— ელხანან, ფიცრები გვერდზე!

— სარა, მიწა აქეთ!

— მიშაელ, მომეშველე!

— იეჟუდას არ ჩამორჩეთ.

— ტემპები, ძმებო, ტემპები! „წინსვლა“ გვქვია.

— დღეს სერგო იაშვილი უნდა გვეწვიოს. არ შეგვცხვეთ ჩვენს შეფთან.

და ასე. განუწყვეტელი მუშაობა და აღფრთოვანება. მუშაობა და ენტუზიაზმი, რომელიც ხშირად მთავრდებოდა ერთსულოვანი სიმღერით:

„თურმე დადის გვემუქრება: „ქვეყანა რამ გადარია კოლექტივი დამარცხდება, ამას ვამბობ შემარია“. დღეს რო ცვივა ხიდან ხილი იმას ჰქვია ტყემალია ხვალ რო მაგრად აკვნესდება მას ერქმევა შემარია“.

* * *

— მირჩიე რამე დედაკაცო, მირჩიე! ხომ ხედავ, მიწების ჩამორთმევა უნდათ იმ ყაჩაღებს. რას გაჩუმებულხარ? რა ვქნა, როგორ მოვიქცე, სად წავიდე? მაგრამ შენ რას გეკითხები? შენ და ჩემს ძმა აბიშაის ერთნაირი ჭკუა გაქვთ. ტყუილად კი არ სწერია ჩვენს თორაში, ღმერთმა დედაკაცს მისცა გრძელი თმა და მოკლე ჭკუაო.

— იგყარ აშემ ბეხა ასატან²⁾. რას ჩამაცივდი კაცო. აკი არასოდეს არ მეკითხებოდი ჭკუას და ეხლა რა მოგივიდა?

1) აღონაი—ღმერთი.

2) „შემოგყაროს ღმერთმა გშმაკი“—ძველი ბიბლიური ზეპნი.

— არც ეხლა გეკითხები. სიტყვამ მოიტანა და ისე ეთქვი. შემარიათ თვითონ იცის თავისი გზები. შემარიათ ბევრი გზა აქვს. შემარიათ ასე ხერელი აქვს და ათასი ქუჭრუტანა. შემარიათ მუქთახორებს არ გაახარებს. შემარიათ ააკენესებს იმათ დედებსა და ცოლშვილს. შემარიათ ბოლოს მოუღებს იმათ ხუხულას. გესმის თუ არა, რუთ?

რუთს ესმოდა თავისი ქმრის შემარიათ გულისწყრომა. რუთს არ აკვირვებდა, თუ რისთვის გამოიცვალა ამ ბოლო დროს ქმრის ხასიათი. ეხლა როდესაც ჰხედავდა, რომ ქმრის ბრაზი უაღრეს წერტილს აღწევდა, უნდოდა რაღაც სანუგეშო ეთქვა, მაგრამ ამის მაგივრად რაღაც სხვა გამოუვიდა:

— საერთო უნდა იყოს ყველაფერიო. . . თფუ, დროებს რა უთხრა. . . მიწებიც, სახლებიც, ცოლებიც, ფულებიც. . .

— ფულები? ხა, ხა, ხა, ვერ მივართვი. ვისაც ფულები აქვს—იმისია ქვეყანა. თორაშიაც კი სწერია „იეს მამონიეს ქაბოდ“¹⁾. ფული—ყველაფერია. ფული—ბატონია. ფული—ღმერთია! ფულით ყველაფერს ვიზამ. ფულს არაფერი არ დაუდგება. გესმის, რუთ?

— მე კი მესმის, მაგრამ შენ რა გააკეთე?

— მე რა გავაკეთე? მე წავალ ქალაქში და მოვნახავ დიდ მთავრობას.

უცბად, რაღაც აზრმა გაუელვა თავში და საჩქაროდ დაიძახა:

— აბიშაი!

ოთახში შემოვიდა უხეში შეხედულების და მსხვილი მკლავების მქონე ახალგაზრდა.

— ეხლა ღამის თერთმეტია. ძმობაში გამოკლდი, თუ არაფერში არ მარგოდე. წაეთრიე ეხლავე არონ კრიხელთან, ქუჩაში არავინ შეგამჩნიოს, რომ იმასთან იყავი, ჩუმიად უთხარი, რომ შემარიათ გიბარებს ეხლავე-თქო. ცალ-

1) „არის ქონება—არის პატივისცემა“.

ცალკე წამოდით. ისიც გააფრთხილე, არავის უთხრას, თუ ჩემთან მოდის. გაიგე თუ არა რა გითხარი?

აბიშაიმ ცხვირქვეშ გაიმეორა რაღაც გაურკვეველი და ოთახიდან გავიდა.

შემარია ვერ ისვენებდა. გაჩქარებული დადიოდა ოთახში:

— სულ იმის ბრალია, იმ ლაწირაკის. შემეცოდა მისი ავადმყოფი დედა. მშიერები კვდებოდნენ და მე ხელი გაუწოდე დასახმარებლად. ჩურჩხელები კი არა, საწამლავი უნდა მიმეცა იმისათვის.

რუთი თვალყურს ადევნებდა ქმრის მოძრაობას, თვითონ იჯდა რბილ ტახტზე, მოეკეცა ფეხები და რაღაცას ჰქსოვდა. უცებ ქმარი მოუბრუნდა:

— გეყოფა ქსოვა. წადი ეხლა, დაიძინე. მე იმ კაცს მარტო მინდა დავხვდე აქ. სხვა არავინ არ მჭირდება.

რუთი ნელა ჩამოვიდა ტახტიდან და გავიდა.

შემარიამ გამოაღო ფანჯარა და ოთახში შემოვიდა მიწურული შემოდგომის ცივი ქარი.

შემარიას შაინც სცხელოდა. თიხის ქურქელიდან გადმოასხა წყაროს ცივი წყალი და სამი ქიქა ზედიზედ დასცალა.

შემდეგ შკაფიდან გადმოაღაგა საანგარიშო „შჩოთქი“, ბოთლი არაყი და ნამცხვრები.

დააწყო მაგიდაზე.

დაჯდა მაგიდასთან და შეუდგა მოლოდინს.

როგორი გრძელი ეჩვენებოდა ეს მოლოდინი.

თავში კი როგორც ყოველთვის ათასი ფიქრები ირეოდა:

„რა მეგონა, თუ ერთ კვირაში შიმშილით სული არ ამოხდებოდათ... ისინი კი თავზე შეჯდომას ფიქრობენ. ის აღარ ეყოფათ, რაც მთავრობამ მისცათ, ეხლა მეც უნდათ წამგლიჯონ... როგორ ვათავებდნენ... გუშინდელი



მონედაბეები¹⁾ დღეს ბატონები შეიქნენ. რაც დრო გავა, მით უარესი. თუ ძაგათი კოლექტივი გამაგრდა — უნდა ავიკრა ბარგი და გადავსახლდე. მეტი გზა აღარ დამრჩება. ამიტომაც — გათავდა: კოლექტივი უნდა დამარცხდეს, კოლექტივი უნდა დაინგრეს. მე კოლექტივისთანა მტერი არ მყოლია, არ მყავს და არც მეყოლება... რომ ამ საქმეს გადავყვე, ჩემი გულის წადილი უნდა შევესრულო: მტერს არ გავახარებ... ოოჰ, კომუნისტებო, ამოვარდა თქვენი სახელი... რა ჩემ ჭირად მოიგონეთ ეს კოლექტივები... რა შეგშურდათ შემარია შაფთოშვილისა... დაგეტოვებინეთ ჩემთვის.“

მობეზრდა ჯდომა, წამოდგა და ისევ ფანჯარასთან მივიდა:

„ალბად ყველას სძინავს... არც არავის აწუხებს კოლექტივი... მარტო მე... ჩემთვის მოიცალა იმ დალოცვილმა ღმერთმა... არონ კრიხელიც რო იგვიანებს... ვაი თუ ისიც აღარ მკადრულობს... მაშინ უტირებ მე იმას ყოფას... ანგარიშს გავასწორებინებ უკანასკნელ კაპეიკამდე... კოლექტივის მუკლიდან ამოვანთხვევინებ... დეე გაიგოს ქვეყანამ, რომ შემარია შაფთოშვილთან ბრძოლა ასე ადვილი არაა... ლატაკების კოლექტივი და მდიდარი შემარია... ორი ძალაა დღეს ჩვენში... იმ დღეს მიშაელი იძახოდა: ვინ ვისო... ჰო, სწორედ ასეა საქმე: ვინ ვის... კულაკი... მე თქვენ გიჩვენებთ კულაკს... მოიგონეს რაღაც გამოტვინებული სახელები, ვითომ ამით უნდათ შეაშინონ ქვეყანა. ვიდაცა ნასწავლმა მითხრა კულაკი მუშტიაო... მუშტზე თუა საქმე, მაშინ მართალია, მეც კაი მუშტი მაქვს და აბიშაის კიდევ უკეთესი... თუ ძალიან გინდათ...“

გამოარკვია კაკუნმა. კარებში იდგა არონ კრიხელი. ღარიბ კოლმეურნეს თვალში ეცა დიდი სინათლე, დიდი ოთახი, დიდი სიმდიდრე.

1) მონედაბე-მათხოვარი



ასეთ ოთახებში სიარულს არონი არ იყო შეჩვეული.

არონს მარტო ახალუხი ეცვა და ისიც უღიღებოდ.

სახე გამხდარი ჰქონდა და ეტყობოდა ავადმყოფობის ნიშნები.

მოკრძალებით შემოვიდა და ვიდრე შემარია რამეს ეტყოდა, დაასწრო:

— ძალიან უდროვო დროს დამიბარე, შემარია. რა გქნა, ცოლშვილი არ დამეხოცოს, მე ჯერ არ შემიძლია შენი ფულის გადახდა.

— დაჯექი—და შემარიამ მიუღდა სკამი მაგიდასთან.

არონი დაჯდა უხერხულად.

შემარიამ დაასხა ორი ჭიქა არაყი.

არონს არაფერი ესმოდა, ხოლო შემარიას კარგად ესმოდა თავისი საქციელი.

— ლეხაიმ¹⁾ არონ!

— ლეხაიმ შემარია!

შემარიამ კიდევ დასხა.

— აიღე არონ, ნამცხვრები დააყოლე. ჰო ასე, რას მერიდები შე კაი კაცო. პირველად ხო არ მხედავ. ნუ გეშინია ჩემი. ათი თუმანი გმართებს, მეტი ხო არა? თუ გინდა ათ თუმანს სხვასაც გაჩუქებ, შენ მხოლოდ ჭკუით იყავი, შემარიას დაუჯერე და თხოვნა შეუსრულე.

ღარიბ არონს ამდენი ფულის გაგონებაზე სიხარულით თვალეები გამოუშტერდა და მიუახლოვდა შემარიას.

— რას მიბრძანებ, ბატონო?

— ჯერ ეს მითხარი, როგორ მიდის თქვენი კოლექტივის საქმე?

— წელში ვწყდებით, ბევრი სამუშაოა. მიშაელი არავის გვიცოდებს.

— არც შენ გიცოდებს? შენ ხომ ავად ხარ...

— რაში ეტყობა შეცოდება, ყოველდღე ახალახალ სამუშაოს იგონებს.

¹⁾ ლეხაიმ—იღლეგრძელე, იცოცხლე!

— კოლექტივიდან გამოსვლას არავინ აპირებს?

— გამოსვლისა რა მოგახსენო, მხოლოდ შემოსვლა კი ბევრსა ჰსურთ. ოცი ახალი ვანცხადება მიუღია გამგეობას, მაგრამ ჯერჯერობით ჩუმად ინახავენ.

— ვითომ რისტოვ-ს გაჩუმებულან?

— ამ დღეებში მიწები მოგვემატება და მაშინ მივიღებთო.

— მთავრობა კიდევ უმატებს მიწებს?

— ზოგს მთავრობა აძლევს, ზოგიც კიდევ კულაკებს უნდა ჩამოვართვათო.

— შემარია შაფთოშვილსაო, არა?

— ჰო, ასე მოგახსენებენ. საერთო საცხოვრებელი სახლი და ბოსტანი შემარიას მიწებზე უნდა გავაშენოთო.

— მერე ღმერთი აღარ არის ქვეყანაზეო?

— ღმერთი რომ იყოს, შენი ქირიმე, მაგათ აპატივებს შაბათ დღეს მუშაობას?

— როგორ თუ შაბათ დღეს?

— როგორ და... გუშინ კრება იყო და ასე დაადგინეს მომავალი შაბათი აღარ ვიუქმოთო, გამოცხადებულია დამკვრელ დღეთაო.

— დამკვრელი დღე რაღა ოხრობაა?

— ესე იგი ზომაზე მეტი ვიმუშაოთ, თავი და ჯანი არ უნდა შევიცოდოთო.

— ხედავთ რა დღეში ხართ ისრაელის შვილებო. ნამდვილი ბატონ-ყმობაა. სად გავგონილა, ვის ახსოვს შაბათ დღეს ისრაელს ემუშაოს? მეორე მიცრაიმი¹⁾. ფარყოს²⁾ გეზერებია³⁾. ეხლა, შე სინიდის დაკარგულო, სიმაართლე სთქვი, ჩემთან არ გერჩია?

არონმა უცბად მოუქრა:

1) მიცრაიმ — ეგვიპტე. 2) ფარყო — ფარაონი. 3) გეზერა — აკრძალვა.



— თუ მართლა მომცემ ას მანეთს და საქმეზე დამაყენებ, მაშინ გამოვალ კოლექტივიდან.

შემარიამ ახედ დახედა თავის სტუმარს, შემდეგ თავი მიაშტერა ქერს და კარგა ხანს გაჩუმებული იყო. თითქოს რაღაც გაახსენდა, წამოდგა, დახურა ფანჯარა და ისევ მიუჯდა მაგიდას. თითები ინერციულად საანგარიშო „შჩოთქისაკენ“ მიიწევდენ და რაღაცა უაზროს ანგარიშობდენ. შემდეგ უპასუხა:

— ასი მანეთი ძველი, ასი მანეთი ახალი... ესე იგი ორასი მანეთი... ასე... ორასი მანეთი... რა პატარა ფულია... მაგრამ... თანახმა ვარ... მხოლოდ იმ პირობით, რომ კოლექტივში უნდა დარჩე...

— ფულს რაღაში მიაღწევ?

— კოლექტივში უნდა დარჩე, არონ კრიხელო. კოლექტივის წევრებს უნდა ელაპარაკო ხოლმე, უნდა შეაგნებინო. ციხე შიგნიდან გატყდებო—არ გაგიგონია? კოლექტივში მე კაცი მინდა—შენისთანა საიმედო ისრაელი. ყოველთვის უნდა შემატყობინო კოლექტივის ამბები და თუ დამჭირდა მომავალში—რაიმე დავალებასაც მოგცემ. აბა ახლა გადასწყვიტე: ან ძველი ვალი გადამიხადე ეხლავე, ან შეუღდექი ჩემს საქმეს.

არონი ხმაამოუღებლად იდგა, მაგრამ შემარიამ იცოდა ფულის ძალა. მაგიდაზე გაჩნდა ათი ჩერვონეცი.

არონს ერთ წუთში თვალები გაებერა.

შემარიამ მიიყვანა მეზუხასთან ¹⁾ და დააფიცა.

ამის შემდეგ ფულები გადავიდა არონის ჯიბეში.

შემარიას დაუბრუნდა კარგი განწყობილება.

— ფულზე არ იდარდო, არონ. დაგჭირდება — კიდევ მოგცემ. მე და შენ დღეიდან კოლექტივის მტრები ვართ. მე გარედ—შენ შიგნით. მხოლოდ—სუ! კაცმა არ გაიგოს

¹⁾ მეზუხა — ყოველ მორწმუნე ებრაელს კარებზე მიკრული აჭვს რკინის ყუთში გახვეული ებრა. ლოცვები.

ჩვენი კავშირი, თორემ ვაი შენი ბრალი! ეხლა ერთი კიდევ გადავკრათ, კარგია ძილის წინ. ლეხაიმ!
— ლეხაიმ, შემარია!

* * *

ხუთშაბათ დილით, როდესაც კოლექტივის წევრები ჩვეულებრივად სამუშაოზე იყვნენ გასულნი, კობტად შეკახ-მულ უნაგირიან ცხენიდან გადმოხტა შემარია, ცხენი დააბა ეზოში და თვითონ შევიდა პატარა ქოხში, რომელშიაც იწვა ავადმყოფი სიფორი.

— დილა მშვიდობისა სიფორ!

— მობრძანდი, შემარია! ვაიმე, რას შევესწარი. თვითონ შენ იკადრე ჩემთან მობრძანება და მე კი ავადმყოფი უნდა ვიწვე.

— არა უშავს, ნუ შესწუხდები. მე მაინც მეჩქარება, ქალაქში მივდივარ და გზათ შემოგიარე. ვიცოდი შენი მიშაელი სახლში არ იყო, თორემ რას მოვიდოდი? ხაიმი და ზილფა სადღა არიან?

— სკოლაში შენი ჭირიშე. მიშაელმა სკოლაში მიაბარა. მე აღარაფერს მეკითხება, რასაც უნდა იმას სჩადის.

— მეც იმაზე მოვედი სიფორ, რომ მიშაელის აღვირაბსნილობას საზღვარი არა აქვს. ისრაელის რჯულის და ისრაელის ხალხის გაბიაბურებას ღმერთი არ შოუთმენს. არა!

— ეგ არის, რომ მკლავს...

— რამდენი ხანია ქალაქში არ ვყოფილვარ. ვცხოვრობდი ჩემთვის წყნარად. შენმა ურჯულო შეილმა ეხლა გამიხადა ქალაქში სარბენად საქმე: ესაო და კულაკიო, ზედმეტი მიწები უნდა ჩამოვართვათო. არმად მაგაზე ჩემი ამაგი! როცა მშვიერი კვდებოდით—ჩემით გედგათ სული და ეხლა რაღაც ორი სიტყვა უსწავლია და ლამის არის გადამსახლოს.



— რა ვქნა, შემარია, ამოწყვეტილმა, რა დღეს შევესწარო; რომ არ იყო ჩემი მიზეზი—მაგისტანა, ვინ მომიწამლა, ვინ დამიღუპა? ვინ გამიმწარა ამაზე უარესად ჩემი სიბერე?

— ჩაეწერა ბალშევიკებში და გადაირია. ღმერთი სულ დაავიწყდა. იცი ქალო რა გადაუწყვეტიათ?

— რა? —გაფითრებით შეეკითხა სიფორი და მოემზადა რალაცა საშინელი ამბის მოსასმენად.

— შაბათს აღარ ვილოცოთ და მის მაგიერ ვიმუშაოთო. სიფორს არაფერი არ უპასუხნია, მხოლოდ მის გათვრებულ სახეზე ნათლად ამოიკითხა შემარიამ ის სულიერი ბრძოლა, რომელიც სწარმოებდა მოხუცი დედაკაცის არსებაში.

* * *

შაბათს დილით მოხდა ის, რისაც ძალიან ეშინოდა მიზელს. იგი დილა აღრიან ადგა და ტანისამოსს იცვამდა.

— მიზელ! — შემოესმა დედის ხმა.

მოხუც სიფორს მთელი ღამე ტკივილები აწუხებდა. გვერდიდან გვერდზე ბრუნავდა, ოხრავდა და კენესოდა. ხაიმი და ზილფა რიგრიგობით სდარაჯობდნენ.

მიზელი აივანზე იწვა ჩვეულებრივად. ეგონა, დილაზე ადრე მაინც ჩაეძინებოდა დედას, მაგრამ მოსტყუვდა. შემოესმა თუ არა დედის ძახილი, თუმცა გაუბედავათ, მაგრამ მაინც დაუყოვნებლივ შევიდა მასთან.

— შეილო, საყვარელო მიზელ!... მე მალე მოგვკვდები... ხომ წამიკითხავ კადიშს¹⁾?)..

— რაებს ლაპარაკობ დედაჩემო... ნუ ფიქრობ ცუდ რამეზე... კარგად იქნები... მალე, სულ მალე ქალაქიდან ახალი ექიმი ჩამოვა...

— არა, შეილო... ექიმი ვეღარ მიშველის... ღმერთიდან უწყება მაქვს მიღებული... უნდა წავიდე მასთან... მოუარე

¹⁾ კადიში — ლოცვა გადაცვალებულის სულის მოსახსენებლად.

შენს უნცროს დისწულებს... შემომფიცე, რომ კადიშს წამიკითხავ...

მიშაელი ჩუმად იყო და თავი ჩაელო დაბლა.

უნცროს და-ძმას თავი მიეყრდნოთ ფანჯარაზე და ჩასძინებოდათ.

დედა არ ეშვებოდა შვილს:

— არ გინდა შემომფიცო?... მიშაელ, რისთვის ადექი დღეს ასე აღრე?

მიშაელი ხმას არ იღებდა.

— მიშაელ!... რა ურჯულო ხარ... ვერა ხედავ... ძალა აღარ მქვებს... ბევრი ლაპარაკი არ შემიძლია... მიპასუხე სიმართლე...

— საჭმე მჭონდა.

— რა საჭმე?...

— კოლექტივში.

— დღეს ხომ შაბათია?..

მიშაელი ისევ გაჩუმდა.

— მითხარი... შაბათია... თუ არა?... ოოჰ, შენი... დაბადების წუთი... ვაიმე უბედურს... პატრონი... ა...რა მყავს... ხაიმ... ხაიმ... ჩემო საყვარელო შვილიშვილო... ადექი... გამო...იღვი...ძე... ვკვდე...ბი... შენ მაინც... წამი...კითხე კა-დი-ში... მიშაელი .. აღარ წამი...კითხავს...

ბავშვებმა გამოიღვიძეს და ტირილი დაიწყეს.

მოხუც სიფოარის აღშფოთებამ მიაღწია უკანასკნელ საზღვრამდე, გაუსკდა გული და სამუდამოდ დადუმდა.

მიშაელი დაემხო პირქვე და თავი დასდო უსულო გეგზე. და არ იცოდა სიზმრად თუ ცხადად, მას ესმოდა ამ დროს ქუჩიდან საშინელი ამბები:

— ციციხლი!

— ბოსელი იწვის!

— საქათმე დაიწვა!

— კოლექტივი იწვის!



— გვიშ—ვე—ლეთ!

— მიშაელი სადაა? რისთვის დაიგვიანა?

— საჩქაროდ თავმჯდომარეს შეატყობინეთ...

და მიშაელი დარწმუნდა ამ ხმების რეალობაში მხოლოდ მაშინ, როდესაც თავს წამოადგენ კოლექტივის წევრები.

ხოლო კოლექტივის წევრებს ენა დაებათ, როდესაც დაინახეს თავისი თავმჯდომარე უსულო დედის გვამთან.

გამოერკვა ისევ მიშაელი:

დედა დაიღუპა და აღარ შეიძლებოდა მისი შეელა.

კოლექტივი იღუპებოდა და საჩქაროდ საჭირო იყო მისი შეელა.

— ერთმა საჩქაროდ აცნობოს სერგოს. მე კი მოვდივარ თქვენთან.

გავარდა მიშაელი. უკან მისდევდა ხაიმის და ზილფას გულსაკლავი ქვითინი.

გაშმაგებულმა ხალხმა უკანასკნელი ფიცრები გამოსტაცა სტიქიას.

სერგო—არავის უნახავს ასეთი განრისხებული.

სამაგიეროდ, როდესაც განვლო ცეცხლის სუსხმა და გადახედა გულმოკლულ კოლმეურნეთ — განაცხადა:

— დაიღუპა საქათმე და ბოსელი. მაგრამ რამოდენიმე დღის შემდეგ ამავე ადგილზე აგებულ იქნება უკეთესი შენობები. მთელი რაიონის კოლმეურნეები იმუშავებენ ერთ დღეს თქვენთვის და მტერს არ გაახარებენ. ხოლო რაც შეეხება ამ ცეცხლს—ჩვენ მალე აღმოვაჩინთ მის წამკიდებლებს და არ დავეინდობთ, ვინც არ უნდა იყოს იგი.

მიშაელს თავში გაუელვა: „შემარია“.

ერთმა კოლმეურნემ მისი ფიქრი საჯარო გახადა:

— ეს შემარიას საქმეა...

მაგრამ ვიღამაც, მოშორებით უპასუხა:

— შემარია რა შუაშია, სამი დღეა ქალაქშია წასული.

4

განვლო ერთმა წელმა.

ბევრი რამ საყურადღებო მოხდა ამ ხნის განმავლობაში. ცეცხლის წამკიდებლის კვალს ვერ მიაგნეს.

შენარიასადმი წაყენებული ბრალდება უსაფუძლო აღმოჩნდა იმ მოსაზრებით, რომ შემარია ხანძრის დროს არ იმყოფებოდა ადგილობრივად.

სამაგიეროდ, ვერ უშველა ქალაქში ყოფნამ. ჩამოერთვა ზედმეტი მიწები და გადაეცა კოლექტივს.

კოლექტივში ათი ოჯახის ნაცლად უკვე ირიცხებოდა ოცდაათი.

გააშენეს ახალი ბოსელი და საქათმე — გაცილებით უფრო დიდი ზომისა ძველთან შედარებით.

დასრულდა პირველი საერთო საცხოვრებელის აგება და უკვე შეუდგენ მეორეს.

გაზაფხულის თესვა ბრწყინვალედ ჩატარდა სოცშეჯიბრისა და დამკვრელობის ნიშნის ქვეშ.

ჩამოყალიბდა მემშის ადგილობრივი განყოფილება. თავმჯდომარეობა დაევალა სერგო იაშვილს, ხოლო მისი მოადგილეობა — მიშაელ თეთრუაშვილს.

ცენტრი და რაიონი განსაკუთრებული ყურადღებით ეკიდებოდნენ კოლმეურნეობა „წინსვლას.“

„წინსვლამ“ მოიპოვა ნდობა და სიყვარული.

მეზობელი კოლმეურნე გლეხები იძახოდნენ:

— ებრაელთა კოლექტივში მეტიმეტად შრომის მოყვარე ხალხიაო...

ებრაელ ღარიბ-ღატაკთა მასაში ნელნელა შეიპარა კოლექტივის იდეა. წინანდელი ექვის მაგიერად, დღეს ყოველი მათგანი ჰფიქრობდა კოლექტივში მოხვედრაზე.



ბებერმა იონამ ხელი აიღო „შამაშობაზე“¹⁾ და კოლექტივში განცხადება შეიტანა.

ამ მოვლენას შემარია ხსნიდა თავისებურად:

— კოლექტივი გადანდები ავადმყოფობააო...

მიშაელისა და არონ კრიხელის შორის კოლექტივის არა წევრების აზრით „შავმა კატამ გაირბინა“.

არონ კრიხელს დაეტყო სიზარმაცე. დღეში ერთ საათს ძლივს მუშაობდა სინდისიერად, დანარჩენ დროს ხუმრობასა და გაუგებარი აზრების გავრცელებას ანდომებდა.

თავდაპირველად მიშაელი შრომის წიგნაკში უწერდა ფაქტიური შრომის საათებს, ხოლო ამანაც რო არ გასჭრა, დააყენა საერთო კრებაზე მისი კოლექტივში დატოვების საკითხი.

არონ კრიხელი ხმის უმეტესობით გარიცხულ იქნა კოლექტივიდან.

მის ადგილას მიღებულ იქნა ყოფილი შამაში ბებერი იონა, რომელმაც — მიუხედავად თავის სიბერისა — პირველი დღიდანვე აჩვენა ამხანაგებს შრომისა და მუყაითობის განსაკუთრებული მაგალითი.

სამაგიეროდ შემარიათ „შეიცოდა“ არონ კრიხელი და მისი წვრილი ცოლშვილი და მორწმუნეთა საერთო კრებაზე „შამაშის“ თანამდებობაზე „გადარჯულელებული“ ბებერი იონას ნაცვლად დაანიშნინა არონ კრიხელი.

კოლექტივის წევრებმა ეს ამბავი რომ გაიგეს ბებერი იცინეს და ბებერ იონას ერთსულოვნად მიულოცეს.

ერთმანეთში სიამოვნებით მსჯელობდნენ:

— როლები გასცვალეს...

— ბებერი იონა წინ წავიდა. უშნო არონიკამ კი უკან უკან დაიწყო ჩანჩალი.

— აბა რა ხერი დაეყრებოდა შემარიის ლაქიას?

¹⁾ შამაშ — სალოცავის დარაჯი



...ახლოვდებოდა მოსავლის აკრეფის დრო.
ემზადებოდა კოლექტივი. ემზადებოდა რაიონი.
განა უბრალო საქმე იყო?
უჩვეულო ამბავი იყო, რომლის სახელი ყველამ იცოდა:
პირველი კოლექტიური მოსავალი.

* * *

ამ შემოდგომაზე კოლმეურნეობაში ბუხები განსაკუთრებით მწარედ იკბნებოდნენ.

მათ არ ჩამორჩებოდათ არც შემარია.

შემარია შაფთოშვილმა დიდი ხანია დაჰკარგა წონასწორობა.

მისი გზები თითქმის ამოწურული იყო და მიზანს მაინც ვერ მიაღწია. ცოფიანი ძაღლივით დადიოდა ქუჩიდან სახლში, სახლიდან ქუჩაში. დუქნები დაჰკეტა და სამაგიეროდ უბშირა სალოცავში სიარულს, სადაც სრული საშუალება ჰქონდა ღმერთისათვის სამღურავი ეთქვა.

ამოსწურა ყვირილი, მუქარა, გინება.

ვერ გასტკრა რჯულით დაშინებამ და ათასმა კომბინაციებმა: კოლექტივი იზრდებოდა ყოველდღიურად.

იზრდებოდა მიუხედავად ხანძარისა, მიუხედავად გააფთრებული ბრძოლისა.

ერთი კვირით ხელი მიჰყო ქველმოქმედებას.

ამანაც ვერ მოიტანა შესაფერი ნაყოფი.

დადიოდა გაბოროტებული, რადგან არავითარ შემთხვევაში არ უნდოდა დაეგერებინა, რომ კოლექტიური ფორმის ცხოვრება გაიმარჯვებდა ამ ქვეყნად და კერძო საკუთრება ჩაჰბარდებოდა წარსულს.

შემარიას მთელი თავისი არსებით სწამდა, რომ დღეს იქნებოდა თუ ხვალ, გამოჩნდებოდა რომელიღაც მადლიერი ქარი, რომელიც შორს გასტყროცნიდა ამ უსიამოვნო „ხუხულას“.



მაგრამ დრო მიდიოდა, კოლექტივი ძლიერდებოდა, ხოლო შემარისას გული იკსებოდა ბოლმით და შხამით. სახლში თავის ჯავრს იყრიდა ხოლმე — ცოლზე და ძმაზე.

სალოცავში კიდევ — არონ კრიხელზე.

არონ კრიხელმა ამ ბოლო დროს ძალიან უმატა ბუზ-
ლუნს:

— შამაშობა ვერ არჩენს ჩემს ცოლშვილს. შენ დამ-
ლუპე, კოლექტივიდან შენს გამო გამომრიცხეს, თორემ
ეხლა რა მიჭირდა. საუკეთესო მოსავალი მოსვლიათ და
მთელი წლის სარჩო გაუნაწილებიათ.

— მერე რა გნებავს, მათხოვარო? — ეკითხებოდა შემა-
რია ბრაზით.

— იქნება ერთი ოცი მანეთი მომაშველო, ცოლ-
შვილს უყიდო რაშიე . .

შემარია მოჰყვებოდა გინებას. არავინ იცოდა თუ წი-
ნედაც, მის ლექსიკონში იყო ამდენი შხამიანი სიტყვა.

მაგრამ არონ კრიხელი მიუხედავად ამისა — დაქინებით
ითხოვდა ოც მანეთს. ითხოვდა. იცოდა: მიიღებდა.

იყო ერთი უთქმელი საგანი, რომელიც თავისთავად
იგულისხმებოდა.

ეს იყო ამ ორის საიდუმლო.

შემარია იგინებოდა, მაგრამ ხანძარის შემდეგ მაინც
ეშინოდა არონისა, რომელიც „როგორც ლატაკი სანდო
არ იყო.“

არონმა მიიღო ოცი მანეთი.

და შემარია სამართლიანად ღელავდა. იცოდა, რომ
ეს იყო მხოლოდ პირველი ოცი მანეთი, მაგრამ არა — უკა-
ნასკნელი.

თავი ჯარასავით ტრიალებდა და მუდამ ელანდებოდა:
არონი, მიშაელი, კოლექტივი.

ახრჩობდნენ ფიქრები, ეჭვები, გეგმები.

იცოდა, რომ თევზი უნდა აყროლებულიყო თავიდან.

და ერთ საღამოს გადასწყვიტა.

ეს იყო ყარბითის ლოცვის დროს.

თებაზე¹⁾ იდგა შამაში არონ კრიხელი, რომელიც აცნობებდა მორწმუნეებს, რომ ამალამიდან იწყებოდა სელიხოთის ლოცვები.

უცნაურმა გრძნობამ გაუელვა შემარის თვლებში და არონს ჩუმად ჩასჩურჩულა:

— ნაყარბითევეს სახლში დაგიცდი.

არონმა იშოვა დრო, მოაგონა ცოლშვილის გაქივრება და თავისი მოთხოვნილება ამ ქამად ერთი თუმნით განსაზღვრა.

— ჰა, ხეთქე, მხოლოდ არ დაიგვიანო.

გადასცა ჩუმად და გამოვიდა გარედ.

ცა მოქედილი იყო ვარსკვლავებით და შემარის მოეჩვენა, რომ ერთი მათგანი მას უცინოდა.

* * *

რუთსა და აბიშაის დიდი ხანია ეძინათ.

არ ეძინა შემარისას.

შემარია და არონი ჩაკეტილი იყვნენ პატარა ოთახში.

უცქერდნენ ერთმანეთს.

ზომავდნენ ერთმანეთს.

ეშინოდათ ერთმანეთისა.

შემარია ლაპარაკობდა აღელვებით, მაგრამ მისი სიტყვები უფრო დამაჯერებელი იყო, ვინაიდან მას ჰქონდა ფული.

სინათლე საგრძნობლად ჩაწეული იყო ოთახში და ლაპარაკობდნენ თითქმის ჩურჩულით.

ხშირი იყო პაუზები.

— მაშ შენ ამბობ, რომ იმათ გადასწყვიტეს ჩემს დუქნებში თავიანთი საწყობი მოაწყონ?.. ძალიან კარგი...

¹⁾ თება—სამლოცველო ტრიბუნა.

თუ დასცალდათ მალე სახლებშიაც შემომეჭრებიან.. მალე
ცოლსაც წამართმევენ... მალე ბულვარის ტელეფონის ბო-
ძხედაც ჩამომახრჩობენ.

— ცუდი დრო დადგა, შემარია.

— რას იზამ, თორის სიტყვა უნდა დავაყენოთ. თო-
რაში სწერია: „აბა ლეარგება — აშქემ ვეარგეთ“. ხომ გე-
სმის, რას ნიშნავს? არა? ეს ნიშნავს იმას, რომ ვინმე თუ
მოდის შენს მოსაკლავად დაასწარი და მოჰკალიო.

— ალბად ეს არის სწორედ კლასობრივი ბრძოლა —
მიშაელი რომ ლაპარაკობს ხოლმე ასე ხშირად კრებებზე.

— კლასობრივი ბრძოლა! მე იმას ვაჩვენებ ბრძოლას.
ამალამე ვავასწორებთ საბოლოო ანგარიშს! მერე ვნახავთ
უმაგისოთ რას იზამენ დანარჩენი თხები. რა ურქმევიათ?
წინსვლა? დასკირდებათ გადაარქვან — „უკანსვლა“.

შემარია წამოდგა, მიუახლოვდა არონს და მხარზე ხელი
დაადო:

— ხომ გწამს, რომ მიშაელი არის ჩვენი რჯულისა და
ხალხის გამყიდველი, რომ ჩვენს ხალხს მაგისტანა მტერი
არ ჰყოლია?

არონმა თანხმობის ნიშნად თავი დააქნია.

— მაშ შენ ამაღამ უნდა მოჰკლა მიშაელი.

არონი გაფითრდა და ენა დაემა.

— რა გეშინია შე ჩერჩეტო? არავინ არ გაიგებს.
ეს საქმე ისეც სუფთად ჩაივლის, როგორც შარშან. მე ყვე-
ლაფერი მოფიქრებული მაქვს. ყოველი ჩემი ნაბიჯი წინა-
სწარ გამოზომილია.

არონმა ძლივს წაილულულა:

— ჩემს სიცოცხლეში კაცისთვის ხელი არ მიხლია.
ნუ დაიდებ ჩემი და ჩემი ცოლშვილის საცოდაობას, ნუ
გამხვევ მაგ საქმეში.

შემარია აინთო სახეზე:

— ჩვენი შარშანდელი პირობა დაგავიწყდა? რამდენი ნისია შეგარჩინე, რამდენი სხვა ფულიც მოგეცი. ეხლაც კარგად დაგასაჩუქრებ. მიშაელს რომ მოჰკლავ, ორას მანეთს მოგცემ.

არონი ჩუმად იყო. შემარიამ მისი სიჩუმე თანხმობის ნიშნად მიიღო და განაგრძო:

— გეგმა სულ უბრალოა. ეხლა ლამის თორმეტია. ეს უნდა მოხდეს სამი საათის შემდეგ, როდესაც ჩამოივლი სელიხოთისათვის. ერთხელ ორჯერ დაიძახებ აგრეთვე „მიშაელ სელიხოთი“ და შემდეგ შეიპარები მიშაელის ეზოში. მიშაელს ყოველთვის აივანზე სძინავს და მაგარი ძილი იცის. სახლის კარები ყოველთვის გამოხურული აქვს და შიგ მყოფნი ვერაფერს ვერ გაიგებენ. შენ გექნება უბეში ხანჯალი, რომელსაც ჩაჰკრავ რამოდენიმეჯერ მუცელში და თავში, შემდეგ თითქოს არაფერი მომხდარა, გადახვალ სხვა ქუჩაზე და დაიწყებ ისევ ხალხის გაღვიძებას სელიხოთისათვის. ხანჯალი კი უნდა დააგდო მიშაელის აივანზე. აი ხანჯალიც.

ამ სიტყვებთან ერთად შემარიამ გამოაღო მაგიდის ყუთი, გამოიღო ვერცხლის ტარიანი ხანჯალი და გადასცა არონს.

არონს ხანჯლის დანახვაზე გააეჩუოლა და შემარიამ ჩუმად გაიღიმა.

ხმის ამოუღებლად წამოდგა არონი, ხანჯალი ჩოხის უბეში ამოიღო და კარებისაკენ გაეშურა.

— სელიხოთის დროს უნდა მოხდეს ეს ამბავი—უთხრა შემარიამ და არონმაც მისდა უნებურად გაიმეორა:

— სელიხოთის დროს...

* * *

გეგმა გაცილებით უფრო რთული იყო, ვიდრე ეს შეეძლო არონს წარმოედგინა და ეფიქრა.



მთელ უბანში ორ ადამიანს არ სძინებია მთელი ღამის განმავლობაში: შემარია შაფთოშვილს და არონ კრიხელს.

სამი საათი რჩებოდა გეგმის შესრულებამდე.

არონმა რატომღაც გადახედა თავის მძინარე კოლშვილს და ცრემლები წამოუვიდა.

ვერ გაუძლო მათ ცქერას და გამოვიდა გარედ.

სასტიკად გააოცა, როდესაც ველარ დაინახა ცა მოკაშკაშე ვარსკვლავებით.

შავი ღრუბელი მოიწვედა სამხრეთიდან უჩვეულო სიჩქარით და უჩინარ სიბნელეს ამყარებდა მთელ არემარეში. უბეში ხანჯალს ჰგრძნობდა.

უსიამოვნო გრძნობა გულს უსერავდა.

ძლივს მოუყარა ფიქრებს თავი:

„რა დაუშავებია ჩემთვის მიშაელს? კოლექტივიდან გამომრიცხა... მაგრამ ვინ ამაცდინა სწორ გზას? შემარიაშ. ოპ, შემარია, შემარია... შენ რომ არა, მეც ხომ ეხლა პატიოსანი კოლმეურნე ვიქნებოდი“.

თვალწინ წამოუდგა მიშაელის ცისფერი თვალები.

„ალალ მართალი ბიჭია... თვითონ ობოლი, მაგრამ ღარიბების მოამაგეა... ბევრი კარგი მიუძღვის ჩვენი ხალხისათვის“.

და უცბად შეეკითხა თავის თავს:

„სადაური კაცის მკვლელი ხარ, არონ კრიხელო? ქათმის სისხლს არ შეგიძლია უცქირო დამშვიდებით და შენ შესძლებ მიშაელის მოკვლას?“

და თვითონვე უპასუხა:

„არა. შენ ამას არ ჩაიღენ. არც შეგიძლია და არც უნდა ჩაიღინო. პირიქით, გააღვიძე მიშაელი და გულახდილად უთხარი ყველაფერი... უთხარი მოკვლის ამბავი... უთხარი შარშანდელი ცეცხლის ამბავი... ის გულკეთილია



და ყველაფერს გაპატივებს... შეიძლება, ვინ იცის... დას-
თანხმდეს ხელახლად კოლექტივში მიგიღოს“...

გამოერკვა. არ იცოდა რომელი საათი იყო და მოუ-
ლოდნელად არემარე გააყრუა მისმა ძახილმა:

— სე-ლი-ხო-თი ლოც-ვა!

— ჯა-მა-ა-თო ლოც-ვა!

— ხალ-ხო ლოც-ვა!

— მორ-დე-ხა ლოც-ვა! ხა-ნა-ნი-ა ლოც-ვა! შე-მა-რი-ა
ლოც-ვა-ა-ა-ა

პირველად შემარიამ გაიგონა მისი ძახილი და გიჟივით
წამოვარდა თავის სკამიდან, რომელშიდაც იჯდა და გუ-
ლის ფანცქალით მოელოდა ამ ხმას. დახედა საათს და
გაუკვირდა: ჯერ კიდევ ორი არ იყო.

„რამ გააგიტა ის ოჯახდასაქცევი“ — გაიფიქრა, მაგრამ
იქვე მოაგონდა, რომ აღარც ერთი წუთის დაყოვნება არ
შეიძლებოდა, სასწრაფოდ შევარდა იმ ოთახში, სადაც მის
ძმას ეძინა და წამოაგდო ლოგინიდან.

— ჩქარა აბიშაი!

— უკვე?

— ჰო ჩქარა. დაიჭი კომბალი და სდიე ფეხდაფეხ.
თუ არ მოჰკლას, იმის აივანთან დაუშვი თავში არონს
ისე მაგრად, რომ გონება დაჰკარგოს. ხანჯალი მარჯვენა
უბეში აქვს, საჩქაროდ ამოაძრე და ბოლოც მოუღე. შე-
მდეგ ხანჯალი დააგდე მის გვერდით, შენ გავარდი სხვა
ქუჩაზე და გამოცვლილი ხმით დაიკივლე ისე, როგორც
მე დაგარიგე.

„ეხლა კი — ორივეს გადავრჩები“ — გაუელვა სიხარულით
შემარიას.

აბიშაი გამოეხვია დახეულ ფარაჯაში, ხელში აიღო
კომბალი და გავარდა. კიბე ჩუმად ჩაირბინა, მხოლოდ
ქიშკარი არ გამოალო, აცოცდა გალავანზე და ისე გადა-
ვიდა ქუჩის მეორე მხარეს.



შემარია იდგა ფანჯარასთან და ცდილობდა რაშის გარჩევას, მაგრამ ამოდ: საშინელი სიბნელე იდგა.

არონი კი ამ დროს უახლოვდებოდა მიწაელის ქოხს რომლის დროსაც ერთხელ ორჯელ დაიძახა შეპირებისა მებრ:

— მიწაელ სელიხოთი, ლოცვა!

და მიუახლოვდა აივანს.

მიწაელის სახის გარჩევა არ შეიძლებოდა, მაგრამ საგრძნობი იყო სწორი სუნთქვა და ღრმა ძილი.

— მიწაელ! მიწაელ! — დაუწყო ნელა გაღვიძება არონმა.

ვერც კი ჰგრძნობდა, რომ ამ დროს მის უკან იდგა საექვო ჩრდილი, რომელიც მალე დარწმუნდა იმაში, რომ არონი მხოლოდ აღვიძებდა მიწაელს.

აბიშიიმ თავის მსხვერპლს მთელი თავისი ძალღონით დასცხო თავში უზარმაზარი კომბალი.

არონმა საზარლად შეჰკივლა და გონება დაკარგული წაიქცა პირალმა აივნის მოაჯირზე. ამის შემდეგ ხანჯლის კრილობა მას აღარც კი უგრძნია.

არონის კივილზე გაღვიძდა მიწაელს, რომელიც საჩქაროდ წამოვარდა და დაეჭაკა არონის უსულო სახეს.

მიწაელი ჯერ ვერც გამორკვეულიყო, თუ რა მოხდა, რომ ამ დროს მას მოესმა ვიღაცას შორეული ხმა:

— კაცი მოჰკლეს! მოჰკ... ლეს...

ამ ხმას უკვე მიჰყვა შემდეგ:

— მიწაელმა მოჰკლა შამაში!

— ჯამაათო, შამაში მოგვიკლეს!

— არონ კრიხელი მოუკლავთ!

— კოლექტივის თავმჯდომარეს კაცი მოუკლავს!

— სინათლე, სინათლე, ჩქარა!

მიწაელის აივანთან ელვის სისწრაფით შევროვდა სალოცავისაკენ მიმავალი ხალხი, რომელთაც სინათლის შუქზე წარმოუდგათ საშინელი სურათი:

მიშაელ თეთრუაშვილი იდგა გასისხლიანებული და ცალი ხელით ღრმად შემოხვეოდა არონ კრიხელის უსულო სახეს.

მოულოდნელობისაგან დაბნეული მიშაელი ხმას ვერ იღებდა.

აოცებდა მამამისეული ვერცხლის ტარიანი ხანჯალი, დასისხლული ლაქებით, რომელიც ეგდო მის ფეხთქვეშ. ხაიმი და ზილფა შეშინებული იცქირებოდნენ აქეთ იქით.

აირია ყველაფერი.

ვილაცა ჰკიოდა, ვილაცა სტიროდა, ვილაცა ყვიროდა. და თითქოს ბურანში, ესმოდა მიშაელს, რომ ერთი უხსნიდა მეორეს მომხდარ ამბავს შემდეგნაირად:

— თურმე იმისთვის მოუკლავს, რაზე მალეიძებ, ხომ იცი, რჯული აღარა მწამსო...

* * *

გათენდა.

ჯამაათმა დაჰკარგა შამაში.

კოლექტივის თავმჯდომარემ ციხეში ამოჰყო თავი.

5

გამომძიებლის კამერაში მიშაელი გაცემული იჯდა და სურდა გარკვეულიყო განვლილი დამის ამბებში. მაგრამ ყველაფერი ისე უცბად მოხდა, რომ უჭირდა აზრებისათვის თავის მოყრა.

თავზე ადგა გამომძიებელი, საშუალო ხნის კაცი, და როგორც მიშაელს ეჩვენებოდა—ადამიანი ტურას თვალე-ბით და მყინვარივით ცივი.

მიშაელი ღელავდა: რა საკირო იყო ამდენი საკითხე-ბი, რა კავშირი ჰქონდათ ყველა ამ საკითხებს მასთან. განა ცხადი არ იყო, რომ მას ერქვა მიშაელ თეთრუაშვი-ლი, იყო კოლმეურნეობის თავმჯდომარე, პარტიული, წი-ნელ პასუხისგებაში არ ყოფილა მიცემული...

— ნუ ღელავთ, მოქალაქე თეთრუაშვილო. თუ გნებავთ მე თქვენ საშუალებას მოგცემთ თქვენით მომითხროთ დაწვრილებით თუ რა პირობებში მოჰკალით მოქ. არონ კრიხელი.

— მე არავინაც არ მომიკლავს. სიცრუეა.

— მაშ თქვენ კატეგორიულად უარჰყოფთ თქვენს მონა-წილეობას ამ საქმეში?

— კატეგორიულად უარვყოფ.

— მოხდა თუ არა მკვლელობა თქვენს აივანზე?

— როგორც ჩანს.

— ხალხმა მოგისწროთ თუ არა ახალი მკვლელობის დროს?

— როგორც ჩანს.

— გქონდათ თუ არა ხელები გასისხლიანებული?

— როგორც ჩანს.

— თავი დაანებეთ ამ სულელურ პასუხს. გქონდათ თუ არა ხელები შემოხვეული მოკლულის გვამზე?

— არ მახსოვს.

მაშინ გამოძიებელმა გახსნა შკაფი, საიდანაც გადმოიღო ნივთიერი დამამტკიცებელი საბუთი.

— იცნობთ თუ არა თქვენ ამ ვერცხლის ტარიან ხანჯალს?

— ვიცნობ. დედაჩემი ამბობდა, რომ მამაჩემი ატარებდა მას ახალგაზრდობაში. ერთი წელიწადია ეს ხანჯალი თვალთ არ მინახავს.

— გირჩევთ, თქვენით აღიაროთ სიმართლე. უტყუარ ფაქტებს თქვენ ვერ გაიქცევით.

— მე არ მჩვევია სიცრუე.

— რისთვის მოვიდა თქვენთან განსვენებული?

— არ ვიცი.

— წუხელის ხომ არ დაწყებულა ებრაელთა ღამის ლოცვები, რომელსაც ეძახიან „სელიხოთს“?

— არ ვიცი წელს როდის უნდა დაწყებულიყო, მხოლოდ დაახლოებით იგი ხდება ხოლმე აგვისტოს ბოლოში ან სექტემბერში.

— თქვენ არ გითქვამთ წუხელის განსვენებულისათვის: რაზე მალვით, ხომ იცი, რჯული აღარა მწამსო?

— პროვოკაციაა.

— როგორი დამოკიდებულება გქონდათ განსვენებულთან?

— მაინც და მაინც არ მქონდა კარგი. საერთო კრების დადგენილებით, მე იგი გამოვრიცხე კოლექტივიდან. მისი სიზარმაცისა და გამხრწნელი მოქმედებისათვის.

— დიახ, დიახ, ასე. განაგრძეთ შემდეგ.

— რა შემდეგ. მე ის შემდეგ იშვიათად შემხვედრია.

— წუხელის?



— წუხელის რა მოხდა ეხლაც არ ვიცი. მე მეძინა ჩემს აივანზე. ნაშუალამეფი იყო. ჩემომესმა ყურთან ახლოს კაცის კივილი. სიბნელის გამო ვერაფერი ვერ გაფარჩიე და როდესაც წამოვდექი, ხელში შემჩა მოკლული, რომლის ვინაობა გავიგე მხოლოდ მაშინ, როდესაც ხალხმა დაიწყო ყვირილი.

— სხვა არაფერი იცით ამ საქმეში?

— არაფერი.

— აბა ვისი მოკლული უნდა იყოს თქვენის აზრით?

— რა ვიცი ვისი მოკლულია.. შეიძლება, ვინ იცის, ჩვენი კლასობრივი მტრების საქმეც იყოს.

— ლათაიებმ თავე დაანებეთ, მოქალაქე თეთრუაშვილო. საბჭოთა მართლმსაჯულებას თქვენ თვალებს ვერ აუხვევთ. დღის სინათლეზე უფრო ნათელია, რომ მკვლელობა თქვენი ჩადენილია.

— გამომძიებელო! მე კაცის მკვლელი არა ვარ!

— კმარა! გაიყვანეთ...

* * *

იჯდა განმარტოებულ საკანში და ჰფიქრობდა:

„მე ეხლა ვარ სოციალურად საშიში ელემენტი. რა უცნაური ამბები ხდება ამ ქვეყანაზე, რა დამემართება თუ მალე არ დამტკიცდა ჩემი სიზარტლე? ალბად უნდა ვიჯდე სულ ციხეში. რას იზამს კოლექტივი? ნუ თუ კოლექტივსაც სჯერა, რომ მე კაცი მოგვკალი? ო, როგორ უხარია ალბად შემარიას. რა ვქნა, ეს რა მომივიდა, რა უცნაური ამბავი მოხდა წუხელის? რას იზამენ უჩემოდ ბავშვები? რას ამბობს ნეტავ სერგო იაშვილი?“

და მოულოდნელად საკანში მის გახსენებისთანავე თავს წამოადგა სერგო იაშვილი.

სერგო შემოვიდა არა როგორც ყოველთვის, იგი შემოვიდა ვილაცა სხვა ადამიანის ქურქში, შორეული, მტერი.



— ეს რა გიქნია? რამდენ იმედებს ამაყარებდა პარტია და ხელისუფლება შენზე? შენ კი—შენი საზიზღარი მოქმედებით, სახელი გაუტეხე პარტიას, ხელისუფლებას, მშრომელ ებრაელობას და კოლექტივისაც. სუყველანი ნინის მოგებით ლაპარაკობენ, რომ თქვენი დაწინაურებული კაცი — ბანდიტი გამოდგაო. მითხარი, მიშაელ თეთრუაშვილო, ამას ველოდი შენგან? ამდენი ხანი იმისათვის თავს გვევლებოდი და გაწინაურებდი, რომ კაცის მკვლელობა დაგეწყო?

— კმარა, ამხანაგო სერგო. მართალია მე ბევრით ვარ დავალებული შენგან. ჩემი ძველი ცხოვრების გზა უარეყავი და ახალ გზაზე შევდექი მხოლოდ შენი დახმარებით. შევისწავლე ბევრი რამ და ახალ ქვეყანას გავეცანი შენის წყალობით, მაგრამ ასე თუ ისე, მე არ მინდა დაგკარგო ჩემი ღირსება. მე ეხლა შეგნებული ელემენტი ვარ და ვინც არ უნდა იყო შენ, ნებას არ მოგცემ ჩემი შეურაცყოფისას. ნუ მწამებთ ცილს, მე არა ვარ კაცის მკვლელი. მე არავინ არ მომიკლავს.

— მე ეხლახანს გავეცანი გამომძიებელთან ყველა ფაქტებს და საბუთებს. გამომძიებელი უკვე დასკვნას სწერს. ყველაფერი ლაპარაკობს შენს საწინააღმდეგოდ. მალე წარსდგები სასამართლოს წინაშე. გრძნობ თუ არა, რომ შენი მოქმედებით ლახვარი ჩაეცი ებრაელთა კოლმეურნეობის საქმეს?

— მე არ მიმიძღვის არავითარი ცუდი. ხოლო თუ სერგო იაშვილმაც დაჰკარგა ნდობა ჩემსდამი, თუ ისიც არ მიჯერის—მაშინ ჯანდაბას ყველაფერი. სიცოცხლეც არა ღირს.

ამ სიტყვებმა ცოტაოდნად მოაღბეს სერგოს გული.

— თუ თავს არა გრძნობ დამნაშავედ, მაშინ რატომ არ ცდილობ დაამტკიცო შენი სიპართლე?



— რითი დაგამტკიცო, რა ვქნა? განა მე შემძლია უარვყო ის უტყუარი ფაქტები, რომლებიც მე წამომიყენეს? განა მოკლული არ ნახეს ჩემს მკლავებზე და ჩემს აივანზე? განა იგი არ იყო მოკლული ჩენი ოჯახის ხანჯლით? საბუთები ლაპარაკობენ ჩემს წინააღმდეგ, ხოლო თავის გასამართლებლად არაფერი მაქვს გარდა თვით სიმართლისა: მე არა ვარ მკვლელი, არა, არა.

სერგო ვამოვიდა მიშაელის საკანიდან. გულზე ცოტა მოეშვა, სადღაც იფეთქა იმედმა, რომ მიშაელი უდანაშაულოა ამ საქმეში, მაგრამ როგორ დაამტკიცოს მისი სიმართლე, როდესაც ყველა საბუთები ლაპარაკობენ მის წინააღმდეგ?

* * *

თავმჯდომარის მოვალეობის შესრულება დროებით დაევალა გამგეობის წევრს ნათან ხახიაშვილს.

„წინსვლა“ მაინც ღელავდა, შფოთავდა.

წევრები მუშაობდნენ, მაგრამ უხალისოდ. დროგამოშვებით აღელვებისა და პროტესტის ხმები გაისმოდა თითქმის ყოველი წევრიდან.

— შეუძლებელი ამბავია. ვერ დავიჯერებ.

— ჩენი თავმჯდომარე იშვიათი ახალგაზრდაა.

— ისრაელელებში მაგის ტოლი არ არის.

— ჩენს თავმჯდომარეს არ შეეძლო კაცი მოეკლა!

— საზიზღარი კორია. რა ინტერესი ჰქონდა მას უბედური არონ კრიხელისა?

— აქ რაღაც სხვანაირადაა საქმე.

— უცნაური ამბები ხდება ჩვენში და ყველაფერი რაღაც საიდუმლოებით არის მოცული. შარშან ხანძარი გაგვიჩინეს და კაცს ვერ მიაგნეს. წელს არონ კრიხელი მოჰკლეს და მაინცდამაინც ჩენი თავმჯდომარე გაბვიეს შიგ.



— გახვიეს რომელია? მთელმა ხალხმა მიუსწრო მოკვლის დროს. გამომძიებელმაც დაამტკიცა, რომ ეს მკვლელობა თქვენი თავმჯდომარის მიერაა ჩადენილი.

მოიხედეს. ამას ლაპარაკობდა კოლექტივის არა წევრი. სარა ბინიაშვილი ბრაზით აინთო:

— უ, საზიზღარი, შემარიას აგენტი ...

ხოლო თავმჯდომარის მოადგილემ ასე მიმართა:

— წადი და გადაეცი შემარიას კოლექტივის სახელით, რომ თუშეცა მიშაელი ჩავარდა, მაგრამ კოლექტივს ჩვენ მაინც არ დავარღვევთ, შემარიას ჟინაზე კიდევ უკეთ ვიმუშავებთ და კოლექტივს უფრო განვამტკიცებთ.

როდესაც მოიცილეს თავიდან უსიამოვნო სტუმარი, მაშინ ისევ განაგრძეს:

— ორი დღე გავიდა და არონ კრიხელს ჯერ კიდევ არ ასაფლავებენ.

— ეს იმიტომ, ეჭიმმა ექსპერტიზა უნდა გააკეთოსო.

— მკვდარს მაინც რაღას აწვალავენ?

— მე მკვდარს კი არ ვჩავი, ცოცხალს ვჩივი. ძმებო! გჯერათ ვისმე, რომ მიშაელი კაცის მკვლეელია?

— არავის—ერთხმად უპასუხეს ამხანაგებმა.

— უბედურებაც იმაშია, რომ ის არაა მკვლელი და შარშანდელივით ვერაფერს ვერ გავხდებით.

— შარშანდელ და წრევანდელ საქმეს ერთმანეთთან კავშირი აქვს.

— ვინ იცის ...

— საცოდავი მიშაელი, ზის და იტანჯება უდანაშაულოდ. მაგის ეზოში რო არ მომხდარიყო მკვლელობა, კაცი კიდევ რაღაცას გააკეთებდა.

— მერე კიდევ, მამამისის ხანჯლით ...

უმეტესობამ შეამჩნია, რომ ბებერ იონას უცნაური ცვლილება დაეტყო ამ დროს სახეზე. ჯერ გაფითრდა და შემ-



დღე თვალები გაუბრწყინდა ისე, რომ მათში შეიძლებოდა ცრემლების დანახვა. საჩქაროდ მიუახლოვდა უკანასკნელი წანადადების მთქმელს და შეეკითხა:

— ის ხანჯალი ვერცხლის ტარიანი იყო?

— ჰო, ვერცხლის ტარიანი, სწორედ.

— სად არის ეხლა ის ხანჯალი?

— გამომძიებელს აქვს შენახული.

— არ შეიძლება იმ ხანჯლის ნახვა?

— რაში გინდა ხანჯალი, ბებერო იონა?

— ძმებო! ამხანაგებო! ჩქარა, ირბინეთ ჩემთან! მიშაელი არაა მკვლეელი. მე ვიცი მკვლეელი.

და ბებერმა იონამ მოუსვა თავისი მოხუცი ფეხებით.

კოლექტივის წევრებმა მიანებეს თავი მუშაობას და გამოედევნენ მოხუცს, რომელსაც ამ შემთხვევაში გამოება ფეხებში ახალგაზდური ძალა, რის გამოც იგი არაჩვეულებრივი სიჩქარით მიაქროლებდა თავის დაბერებულ სხეულს.

* * *

საექიმო ექსპერტიზის დასკვნით, არონის მკვლელობაში გარდა ხანჯლისა ნახმარი იყო აგრეთვე დიდი ჯოხი, რომლითაც თავი ჰქონდა განსვენებულს დაეჭილი.

ასეთი „დიდი ჯოხის“ კვალს ჯერჯერობით ვერ მიაგნეს.

სერგოსათვის ეს იყო პირველი ბუნდოვანი საბუთი მიშაელის სასარგებლოდ, რადგან იმავე დასკვნაში იყო თქმული, რომ დაკვრა მოხდა უკანიდან. არ შეიძლებოდა ერთსა და იმავე დროს ორივე მხრიდან მდგარიყო მიშაელი.

იგი ჩამოდიოდა გამომძიებლის კამერიდან, რომ ამ დროს მოესმა ხმაურობა და უცნაური მოძრაობა ქუჩაში.

გაიხედა პირდაპირ და გაარჩია კოლექტივის წევრები, რომელთაც გაჩქარებული წინ მოუძლოდათ ბებერი იონა.

— ამხანაგ სერგოს სალამი — შესძახა იონამ.



— სალაში ამხანაგებს! რა ამბავია?

— მიშაელი მართალია, მიშაელი არაა დამნაშავე. გაანთავისუფლეთ მიშაელი—აშობდა ბებერი იონა.

— გაანთავისუფლეთ მიშაელი—ბანს აძლევდენ სხვებიც, შეუგნებლად.

— კი მაგრამ ამხანაგო იონა, ასე ზეპირად როგორ შეიძლება? აქ საბუთია საჭირო.

— საბუთი შე მაქვს. მაჩვენეთ ხანჯალი.

სერგო იაშვილმა შეიყვანა ბებერი იონა გამომძიებლის კამერაში.

გამომძიებელმა უჩვენა ხანჯალი.

გულის ფანცქალით ელოდენ რას იტყოდა მოხუცი მოწმე

— ეს არის... — დაადასტურა.

— რაშია საქმე, აგვიხსენი — მიმართა გამომძიებელმა.

— ერთი წლის წინეთ შე ვიყავი სალოცავის შამაში. ო ველ ნაირად კლანკებში ვყავდი ჩაჭერილი. მომაპარვინა ს ხანჯალი. რა ვიცოდი, რისთვის უნდოდა. დააპატიმრეთ, ეხლავე დააპატიმრეთ, დანარჩენი მერე გამოჩნდება, თით-მის კივილით დაამთავრა ბებერმა იონამ.

— ვინ უნდა დავაპატიმროთ კაცო აღარ იტყვი?

— როგორ არ გესმით ვინ? შემარია შაფთოშვილი. კიბე, აივანი და ფანჯარა გარშემორტყმული იყო კოლნეურნეებით. მათ ყური მოჰკრეს ბებერი იონას ლაპარაკს და სტიქიურად, მოულოდნელად შესძახეს:

— დააპატიმრეთ შემარია შაფთოშვილი!

— დააპატიმრეთ საჩქაროდ!

და შევარდენ გამომძიებლის ოთახში, სადაც განაგრძეს:

— იგი უძმოდ ამას ვერ მოახერხებდა!

— დაიჭირეთ ორივე ძმები!

— დააპატიმრეთ შაფთოშვილები!

— ერთხელ და სამუდამოდ გადაგვარჩინეთ მაგ სისხლის მწოვს!



ბებერი იონას გული მაგრად სცემდა. კოლმეურნებს თვალეები უბრწყინავდათ. სერგო იდგა ბედნაერებით გაბრუებული. საიდანღაც გაჩნდნენ ხაიმი და ზილფა.

გამომძიებელი სწერდა დადგენილებას შემარისა და მისი ძმის დაპატიმრების შესახებ.

* * *

— თქვენ გაიგონეთ, ბრალდებულო შაფთოშვილო, რაც სთქვა თქვენმა ძმამ. მოახსენეთ სასამართლოს, რისთვის მოჰკალით არონ კრიხელი?

— იმან ჩემი დავალებით შარშან დასწვა კოლექტივის შენობები.

— გეშინოდათ, რომ არ გაემხილეთ და ამიტომ გადასწყვიტეთ ორი კურდღელი დაგეჭირათ ერთად: ერთი მოგეკლათ, ხოლო მეორე — ციხეში ჩაგელპოთ, რის შემდეგაც კოლექტივი უნდა დარღვეულიყო, არა?

— დიახ, ასე ვფიქრობდი.

შურისძიების გრძნობით იყო აღვსილი კოლმეურნეთა თვალეები.

სასამართლოს დარბაზი გაქედილი იყო ხალხით.

წინა რიგებში ისხდნენ „წინსვლას“ წევრები. შუაში ჩაეჯინათ საყვარელი თავმჯდომარე მიშაელ თეთრუაშვილი, რომელსაც ამჟამად სიზმარივით ეჩვენებოდა თავს გადავლილი ამბები.

პროცესი იყო საზოგადოებრივ-საჩვენებელი.

ბრალდებულების დაკითხვის შემდეგ — მოწინებების დაკითხვა მიზანშეუწონლად იქნა ცნობილი.

დაიწყო მხარეთა კამათი.

ილაპარაკა საზოგადოებრივ ბრალმდებელმა სერგო იაშვილმა, რომელსაც დარბაზი უსმენდა არაჩვეულებრივი დაქიმული ყურადღებით.

მის მოთხოვნას შემარისა უმაღლესი სასჯელით დასჯას და მთელი ქონების კონფისკაციას მთელი დარბაზი მკუხარჯტაშით შეხვდა.



შემარიას ძმისათვის, რომელიც ამ საქმეში ასრულებდა ბრმა იარაღის როლს, არ სცნო მიზანშეწონილად უმაღლესი სასჯელის შეფარდება და მოითხოვა მისი რვა წლით იზოლაცია საქართველოს ფარგლებიდან გადასახლებით.

ილაპარაკეს აგრეთვე დამცველებმა, რომლებმაც მოითხოვეს სასჯელის დაახლოვებით შემსუბუქება.

შემარია იდგა გაყვითლებული. ციხეში წვერი გაზრდოდა, თვალს აღარ ქუტავდა ჩვეულებრივად, ხოლო ტუჩებზე ღრმად აჩნდა კბილების ნაკვაღევი.

აბიშაი უაზროდ იცქირებოდა აქეთ იქით.

პროცესი გრძელდებოდა მიუხედავად შელამებისა.

შემარიას აღარ აინტერესებდა პროცესის მსვლელობა და სურდა მიმხედარიყო, თუ როგორ ღიხნდა, რომ იგი დამარცხდა და „ახლად გამოჩეკილმა ბარტყმა“ გაიმარჯვა.

უკვებ თვალი მოჰკრა მიშაელს; უნდოდა ეცქირა, მაგრამ ვერ შესძლო, ველარ გაუსწორა თვალი და სასამართლოსკენ მიბრუნდა.

სასამართლოს შემადგენლობა არაფერს კარგს არ უქაღდა შემარიას. მათ სახეზე უკვე წაკითხული ჰქონდა უსიამოვნო განაჩენი.

დაენანა სიცოცხლე. მაგრამ იცოდა: წააგო.

ეგონა, რომ უკვე სიკვდილის პირას იდგა და ვიღაც შორი ქვეყნიდან მას ეუბნებოდა.

— ბრალდებულო შემარია შეფთოშვილო! ვიდრე სასამართლო გავიდოდეს განაჩენის გამოსატანად — გეძლევათ უკანასკნელი სიტყვა.

შემარია უსიამოვნოდ შეინძრა, თვალი მოაგლო მთელ დარბაზს, რომელიც სმენად იყო გადაქცეული და ოდნავ გასაგონი ხმით, რომლითაც თვითვე გამოუტანა თავის თავს განაჩენი — ძლივს წარმოსთქვა:

— კოლექტივი იმარჯვებს.

საქართველოს ეროვნული ბიბლიოთეკა



K 24.846/2